

世

知畏堂文存卷七

學博芝田劉公墓誌銘

太倉南郭張

采著

公諱文字在中號芝田世郢人考後池公以仲子
心蓼先生成進士擢守太倉績最贈階奉直大夫
方辛未夏間心蓼先生秩滿當遷官州父老僉曰
守去嗣將誰撫既報新博士至曰守兄也休哉行
訓我子弟未幾先生晉戶部爲尚書郎公司教太
倉者六年以丙子七月八日死官下先是公病呼

其子儀謙于郢。儀謙得信，卽促裝。友人止之曰：公固病脾，茲未劇。其畢秋試，儀謙泣謝曰：心碎，他無能計者。于是別其母趨行。至則公死匝月矣。儀謙一號而慙。徐醒，號復慙。奄且死，余弔之，苦次囑儀謙爾忘老僕語乎。老僕述公垂死呼兒不置口，爾柰何以一死報儀謙稽首唯唯。四越月始能起。持狀請銘。儀謙從。余久且與公交五年，知公長者有爽槩。死之日，稱許出一口，嗚呼！公死比不死去者，人謂爲榮。婁庠官制正一分齋，三公齋，署曰孝敬。

狀事主于正而婁日寒薄，事其師不能腆主其事者多舛望。又邑中形勢周水，人性柔怯，獨儒學廡役虎而翼，遇博士弟子拱手序左右，弟子不肖者反行媚過，平交遠鄉入城市，則惴惴奉惟謹，以柔怯屬舛望，又助之翼虎，于是勢張甚，招訟牒武斷，墨無筭。公能自別白，或事相及，輒奮手曰：我不同。汚母溷復繩廝役，以法與如仇。故墨敗，公名益著。祁御史巡方，嚴保薦，考公上等，顯諸朝。行擬大用，而公竟死。公在官大致如此。前此具儀謙狀狀。

記公少時讀書不間寒暑。凡古今文三過卽不去口。自恨有隱疾不能夜讀。曰嗟夫我坐是不得科第。儀謙謂科第豈盡由讀書。悲矣。狀用能獨以儒振卽心。蓼先生不他師也。性儉。每云紫布是常衣。豆腐是常飯。余常語儀謙。公言尚少。恕布衣腐飯。貧士經營不易。豈得作常。固爾公爲持約矣。往與心蓼先生析居。遵奉直公約。兄弟歡飲其前。已乃相對泣。至今里中或兄弟爭多。云豈不媿劉氏。方逆璫時。以事連其姻家呂翁。公匿呂于室。曰事敗

願同禍。復連門人李顯卿者。公曰。里中利子財。借璫焰耳。毋恐。公密圖遂。俱脫。有富人將毀婚盟。礙公盟。卒不毀。甥女張新寡。其弟納豪賄。謀奪張公。曠目叱斥。謀不果。他若劉必顯以外侮。魏養廉以軍籍。王郢峰以馬役。皆幾窘。公悉爲調護。得安。蓋公辨黑白。重狀喏。好惡行意。不以地位易。故爲德終始。其大致又如此。公生萬曆甲戌歲。距今歿得年六十有三子。一卽儀謙。承天府學廩生。與公生月日同人。以爲奇。餘詳家狀。儀謙擇日葬。請銘。余

已謝去筆視久杜門。茲迫于誼，爲公銘。銘曰：生于郢，歿于婁，反而葬于郢，何不瀛博之野，而爲是道路之紛紜。曰：葬子可權，葬父以經。先人坐側，庶幾以安其魂。吁嗟乎！無負公之平生。

卹贈國子監學錄玉岑姚公墓誌銘

萬曆間諸先生昌明性學于時。江以北則盱眙馮慕崗先生，山以西則安邑曹真予先生，皆厲身率物，研切仁義，而慕崗先生同里有玉岑姚公者，起任斯道，乃規合兩家，詣極堂奧，又之以儒官死。霍山寇難造，次於是，顛沛於是者矣。按狀：公諱允恭，字寅甫，因窆父玉環山麓，號玉岑。姚氏裔出有虞，先爲浙武康人。國初徙淮陰，高祖通始卜居盱眙，昭信鎮通生相，相生鉞，鉞生厥，考天年爲邑庠。

生有文行學者宗之。常云富貴不可求。惟聖賢可求。神仙不可學。惟聖賢可學。沒後弟子私謚曰文貞先生。配楊孺人。生五子。長卽公公。幼淳篤。不習嬉戲。六歲入小學。能強記。稍長。受庭訓。卽耻科舉業。謂六經聖學原本。獨攻苦罔間。弱冠補盱眙博士。弟子員。旋升增廣生。應南畿試。忽罹文貞變。躡踊幾絕。行喪禮。不飲酒食肉。時兀然寡母。四弱弟。一幼妹。相向視公公。哭泣無時。則深有諸慮。對遺文手澤。輒復惘絕。因放屈原離騷作九孝九忠已。

卜宅兆。寫遺像。述狀請墓誌于慕崗先生。嗣後三十年。事母盡色養。而文貞沒時。家壁立。公歲授經。得脯修爲弟妹婚嫁。母沒。徒步二千里。走安邑。請于真予先生爲誌墓。內行敦密。秩如也。旣先後學。使者置高等。方釋文貞服。卽填廩膳。生年五十餘。積歲以明經選。得霍山訓導。素故嚴師範。爲儒官。益修淑。適吾郡。心霞龔公者。亦以孝廉授霍山學。正一見。深相得。日討論名理。每感慨任事不力。繇三綱不明。則義形色居。一年偵流賊入寇。狀兩公。

謁令籌兵食。不得則約士民城守。衆弗固。越日潰。兩公雅步泮宮。心震語公。學問今日始見。公云。死耳。義不辱。左右請避。請微服。兩公搖首。左右散去。兩公整冠帶。對坐明倫堂。賊縛一生入。問何坐者。兩公自以官應。賊挾龔去。向公索金錢。公罵賊請死。賊遂加刃。并及許孺人。季子範。公死復甦。聞龔肆市哭尸。下曰。不痛死。行自隨也。爲經紀喪殮。闔一室引帛。雉經。值徐令至。爲解免。公乃強起草移。文述學正龔元祥死狀。并條禦寇方略。幾數千言。

陳臺憲而賊復至。家人勸入山。公曰。我官非守土。可無歿歿。以愧苟免者。且不能負龔。心霞地下。則趨縣謁徐令。謀效死。令已先去。回語家人。徐公釜中糜沸。未已。而人已無踪。復坐明倫堂。獨候賊。賊至。劫公出。公行且罵。賊怒。絕其項。燔諸火。垂絕。罵益厲。是爲乙亥正月二十有八日。距龔先生死。越十日。云。張直指夙重公。核事上諸朝。得贈國子監學錄。遠近傳其事。甚烈。嗟夫。烈士死一節。公非其儼。公力學稔誠。如龔公言。臨難其應。爾初募崗。

先生倡教公年二十餘以忠孝賦贄慕崗先生稱
見晚迨慕崗先生臬楚中稅瑞禍逮繫詔獄公赴
難中都越三年慕崗先生釋歸則時從遊析疑起
難開明爲多慕崗先生卒服心喪如禮爲著玉成
日紀人物冠冕錄其師真予先生則先拜淮上既
登堂及真予先生卒亦服心喪如禮晉陵孫元闢
者曾諭盱邑于公有師恩又常友事京口華省衷
及孫華前後卒公兩渡江哭其墓與海陽李閑我
伯仲交聞李母喪輕千里往弔里人崔潛愚學行

而貧公率鎮人士建嘉祐寺禪堂居之曰一以養
老一以尊賢劉默軒有喪負庫金公方待廩餼舉
火卽捐以償高誼率類此公喜靜坐常入山居真
相寺每結趺竟夜歲除家人往迎貽書子弟曰學
問須自靜入我適有得不能卽離遂不歸其論格
物謂如格天之格至誠感而遂通則聰明自應論
求放心謂不用心固放用非所用亦放惟返之天
理爲求又云失意中多進德得意時多滋過又云
聖賢德性不涉意氣如磨不磷涅不淄方爲德性

若益堅益白。卽意氣矣。所以顏子不更加樂。惟云不改。強曰至死不變。又悟文王事殷。與昭事上帝。心源一貫。又悟知與識不同。知從陽發。識由陰起。知無方所。識有區域。又悟中庸言天道卽在人道。中天道則天命之性。人道乃率而修者。故聖賢總爲誠之者。詳具語錄。平時于里中。及紅廟集。立勸善會。每季孟月望日。舉遵藍田呂氏約。復與同志舉明善會。則倣黃龍溪先生蓬萊會。王心齋先生樂學堂會。歲子孟夏孟冬二舉。名賢至則不以時立。

宗法合其族置祭田。祭用昭穆。駁支公家禮。建議立崇賢祠。祠先世有功德于地者。舉查孝子三節婦。家塾鳩文課子弟。庶幾經師人師矣。先生貧用世才。盱眙巖邑。代無爲州。輸罔金代靈壁縣。輸遼餉。歲不下半萬。民坐是大困。先生廷對時。伏闕上書。齒于銀臺。後巡倉御史王公廉知其弊。爲請得報罷。所著文章。自孝忠賦。玉成日紀。人物冠冕錄。而外。同慕崗先生輯經世日用編。爲之安邑。作徵文紀。爲孫元闢先生作言行紀。其他散篇備全。

集辭皆雅馴。關切風教。晚年立詩經傳說叅書成
疏。上復不果。嗟夫。先生行年六十。汲汲理學。卒以
義死。每謂朋友五倫。傾誠始終。而同死。有心震先
生時。時教孝教忠。語不去口。子範以身殉。求仁得
仁。天之予先生。豈有憾歟。以萬曆甲戌閏十二月
十八日生。以崇禎乙亥正月二十八日卒。得年六
十。有一子女。詳家狀。以某年月日窆於浮山之原。
既葬。次子書不遠千里。請誌。余病廢。閉門絕筆墨。
媿謝書曰。千里銘墓。姚氏家法。獨奈何。以予當

安邑。辭不獲。又心儀公。因力疾銘。銘曰。

為子孝。為臣忠。自幼及老。惟心同子。死孝臣死
忠。舍生取義。何從容。卞壺父子。幾其踪。身燔劫
火。氣作虹。奚必正寢。乃令終。吁嗟百世。猶聞風。

孝廉與游王公墓誌銘

公諱志慶。字與游。王氏瑯琊以來世譜具詳。自古川公以越之分水人。任崑山學正。因留家。後子姓日蕃。或居崑山縣。或居太倉州。遂統占州籍。公居崑山。距古川公十有五世矣。高祖時。賜贈禮部主事。曾祖三錫。嘉靖己丑科進士。光州知州。祖貴。惠贈刑部員外郎。父臨亨。萬曆己丑科進士。歷杭州府知府。所至有政實。民立祠祀。以長子贈中憲大夫。母張氏。封太恭人。中憲三子。長志堅。庚戌科進

知縣堂集
士歷湖廣提學僉事卒官次志長崇禎庚午科舉
人。公居三天啓丁卯科舉人時號一鳳三雛公兒
時質重有敏惠姿就外傳讀書一過上口數過可
通誦中憲公家教凡五經三傳未徧母及他書公
數歲便汎濫經傳畧及子史大家集嘗日侍循循
端序不以中憲和吉挂子弟過年十三遭中憲喪
哀至躡踊弔賓嘆惜時長兄孝廉仲兄已有華問
公依太恭人起居日奉兩兄誨飭好學好問惟謹
十六歲娶於周中憲廉吏產遺未及中人太恭人

不免緝織周爲御史公女少賢明入門家人翁宜
公啓太恭人內似有助豈當復以凌雜累老母卽
委內政一意從兩兄讀書色養太恭人已長兄成
進士要儒雅李流芳長蘅輩偕仲兄相師友乃應
童試適其時賤古學公故棘棘不近下里又耻借
故舊貴人干請以故連不得志公激且憤遂例入
太學南京祭酒顧公起元一見所試文第上等審
姓名亟贊云固知綜核有法定名家子果然與禮
部郎黃公汝亨稱不去口則益精心典籍兼攻詩

賦。戮。翰。墨。文。人。事。一。不。通。爲。負。復。遭。太。恭。人。喪。朝
暮。溢。米。杖。乃。起。太。恭。人。晚。飯。西。教。每。晨。誦。釋。典。公
晨。起。臨。哭。已。馮。位。如。太。恭。人。所。誦。終。三。年。不。食。肉
飲。酒。不。與。宴。燕。不。見。齒。喪。畢。跡。絕。出。戶。里。巷。莫。覩
面。丁。卯。鄉。舉。邑。中。人。喜。曰。此。家。長。者。繼。舉。固。當。公
車。罷。扁。戶。如。前。時。庚。午。冬。同。仲。兄。及。許。元。溥。孟。宏
北。上。元。溥。者。中。憲。公。少。女。婿。公。女。弟。夫。與。公。兄。弟
合。志。亦。庚。午。科。舉。人。故。公。饒。天。樂。旣。甲。戌。歸。言。色
慘。慘。語。其。友。張。采。國。步。蹙。矣。小。旻。所。歌。職。今。是。謂。

可。柰。何。出。感。事。詩。百。首。曰。吾。以。告。哀。後。其。言。歷。驗。
方。先。皇。帝。旁。求。四。海。詔。內。外。臣。工。各。舉。賢。良。適
用。以。各。聞。當。事。薦。公。孝。謹。貫。達。古。今。可。牧。守。選。下
有。司。徵。辟。公。稱。病。不。就。遂。緝。東。郊。墓。傍。墅。名。丙。園。
攜。襪。被。從。一。蒼。頭。浩。然。作。終。老。計。公。癖。書。平。居。窗
几。明。潔。筆。墨。具。尤。良。早。起。一。編。抵。夜。有。嘗。課。讀。經
傳。當。讀。訖。處。標。片。紙。上。方。記。一。日。再。溫。復。然。嘗。展
其。故。帙。有。溫。五。六。番。者。年。少。童。試。不。得。志。時。卽。發
二。十。一。史。次。第。繙。閱。長。兄。壯。其。志。曰。勉。旃。必。成。致。

嗣後丹黃考駁竟一卷卷尾識日月或題記數行。歷寒暑不輟尤耽涑水通鑑反覆凡四周嘗云通鑑不止串通事實好惡正去取當精讀可廢諸史。又云經史學一貫未明經何遽讀史非惑則妄又云子弟穎秀不患無成患父兄欲速則凌節凌節則穎秀且落大要先經傳次三史次莊列管韓諸子書次韓柳諸名集乃融液通鑑察治亂源流暨事理得失自有歲月程限豈稟輕可躡得每見公談次記述輒連篇口授不復按本此語庶幾自序。

喜植花木養魚鳥罷書手自灌水調食一日中焚香煎茶掃地恒躬親既緝丙園號漢陰丈人志息機益務閒適作賓告招隱累月不歸當花開風日晴美集良朋邀兄弟子姓觴咏永日客至烹葵煮笋蕨欣然竟醉則指園居謂我菟裘了一男一女婚嫁便老此不復履城市矣壬午歲飢死人載道人相食公疚心不寐時獨坐隕涕秋七月疽發背卒公事父母孝事兩兄篤敬長公後徙郡與仲比屋終其身無間與人劉亮有本末交天下士不濫

不。失。可。則。親。不。可。默。自。遠。所。輕。重。咸。中。人。服。公。識。
量。流。連。窮。交。接。羈。客。或。窘。乏。時。資。斧。贈。無。吝。匍。匐。
哭。死。經。營。身。後。倍。至。待。三。黨。恩。信。遇。昏。喪。吉。凶。必。
費。費。有。仕。廉。而。歿。寡。斃。而。貞。者。亟。白。之。官。司。衰。宗。
枯。暵。多。視。公。膏。醒。吳。趨。薄。子。弟。挾。門。第。凌。人。攫。梓。
里。公。丁。卯。前。於。兩。邑。爲。上。家。不。一。涉。外。事。脫。須。出。
縑。袍。徒。步。若。寒。皴。高。才。淹。雅。處。輩。類。粥。粥。若。無。能。
丁。卯。後。兩。邑。宰。尹。下。車。旅。見。後。無。私。謁。宰。尹。報。謁。
辭。勿。見。好。遊。山。水。遊。則。布。帆。短。棹。或。泊。故。人。官。下。

絕。弗。造。請。然。公。志。帥。氣。塞。本。具。幹。略。周。知。民。間。利。
病。以。時。絀。不。得。有。爲。當。惻。隱。中。發。則。鏡。往。有。良。民。
幾。三。十。人。罹。巡。方。御。史。網。闔。邑。稱。寃。此。不。杖。下。死。
卽。瘦。死。公。問。事。在。司。理。故。與。司。理。善。亟。往。力。白。寃。
狀。得。盡。釋。三。十。人。徐。知。事。由。公。白。踵。門。泣。且。拜。同。
聲。呼。公。活。我。公。退。避。稱。司。理。德。吾。何。力。活。卿。等。辛。
未。水。浸。抗。言。邑。令。修。救。悉。有。條。序。庚。辰。夏。米。騰。貴。
飢。民。蜂。起。公。約。法。平糶。剔。奸。刺。瑕。邑。署。事。者。頒。下。
四。境。以。濟。其。樂。施。急。義。仁。心。爲。質。類。此。固。性。然。所。

知長堂集
著慎爾堂文稿慎爾堂詩稿丙園詩文稿皆已成
帙其讀史有得此事唱論者曰讀史日錄其字句
索解不得稽覽無據俟相質發明者曰史疑有叙
事舛訛書法分雜或証已是或斥彼訛或兩說相
長者曰史斷前人詮訓辭理不屬爲旁引縷悉使
文義從順者曰史釋又彙採古人同姓名俱見正
史者詳疏時代爵里曰同姓名錄皆未成帙從長
蘅學畫不成猶得其意思書法逼子瞻與詩競長
自少至歿無一日去書病中猶作磬銘一章病亟

致書采曰此病發膏梁在表治易發憂鬱在裏治
難今正人鬼關嗟夫公憂鬱豈爲家削衣縮食以
謝嗟來亦良厚何至觸心勞瘁以死悲夫公生萬
曆辛卯十二月一日卒崇禎壬午七月三日年五
十有二子四長子洵太倉州學生娶周次子洄由
太倉州學入國子監娶顧繼陳第三子澗娶朱第
四子潛聘楊娶李女二長適陸次適徐孫男一孫
女九其洵出之第三女許采次子于婁以弘光元
年乙酉三月十九日卜葬吳縣二都陸墓山北歲

字坪新阡洵洵來請曰先子葬有日子知之深幸
一言旨掩諸幽既泣辭弗獲乃次述而爲之銘銘
曰予聞德輝厥聲嗶嗶集爾號孺曰難弟兄公式
爰覽德輝厥聲嗶嗶集爾號孺曰難弟兄公式
參止蔚乎圭璜內外完好治實黜各詩書斯蕪
公勤廼耕氣類斯陂公持廼衡德風偃草義分
霜明脫累貴我涵性秩情史學待究孔哀弗成
銘茲幽石不媿平生

柳州通判存赤柴公墓誌銘

按狀公諱汝益字伯衡別號存赤始祖廷富貫浙
江籍仕元爲萬戶督海漕開府嘉定遂留嘉定間
三傳至璧號芝生襲爵領兵太祖爲吳王時狗
平江路假璧兵璧不受太祖受命璧佯狂著知
非集志過太祖知之竟不問三傳至晟始居崑
山五子其三爲黼菴公奇黼菴公與弟太同登正
德辛未榜進士歷應天府尹爲時名臣是爲公高
祖長子郊贈光祿署丞生子輔哲以兩浙鹽運判

知長堂集
官贈同安知縣。生昭涇公堯年。萬曆丙戌進士。仕
終南京國子助教。娶梁孺人四子。公居長。年十九
娶于顧。爲鳳山公允元女。鳳山公亦丙戌進士。與
昭涇公同令閩。兩公深相得。故連姻婭。公旣婚。遊
太學。與省試。隨遭昭涇公變。吳俗家兒難調。席父
兄勢張甚。居間人事。輒呼應。當公內外貴。獨循墻
抑抑。人不知爲貴公子。旣遭變。益自下。冀保門戶。
惟哭泣聖室。而族人毅者。負兩世恩。伐其喪禍。牽
連不止。買田葬昭涇公。葬三年。田者顧復爭。行金

要人將夷墓。時張可菴先生在家。正言乃止。于是
家日落。公有三從叔。行素公爲郎兵部。一日拜梁
孺人。曰母幸康。弟妹在側。長孫男婦問膳。兒脫身
遊京師矣。則環拜親好。曰遊京師。無衣糧。屢供。
請各貸。各應曰諾。乃治裝遊京師。以太學生謁選。
得遼東都指揮使司斷事。且歸。顧孺人已歿于家。
乃卽家娶王孺人。一月別母之任。故事。幕謁闈長。
拜墻下。公至。長揖闈。長不審。公何等。姑忍。及見公
行事敏。當廼心下。巨猾辛學。出入京中。持邊吏陰

知縣堂集
事監司以下仰進止。公奉臺檄捕夜召學飲。飲半出臺檄。學長跪曰。容歸家別母。以百金壽公。不許。既學麾金得脫。怨公刺骨。遠鹽出雙山。故時遣官監煮。卽逐胥吏中飽。公往邊商大悅。續當煮邊商走萬人告臺司。願再借柴斷事。煮未半擢廣西。礮州府通判。公在邊最得遠人心。疑獄必赴公理。案牘稠濁。戴星恒不給。勤事五年無私錢入橐。幕賓王生從容語曰。公欲養廉入臺。諫乎。公曰。破家來亦欲求升斗。奈人民安我僚吏親我。裁污手便剛。

惻不忍。遂不復作家計。爾已酉八月發遼陽。所繼王孺人先三年卒于署。扶觀度關。十月初三待家。僮舟泊楊柳青。夜半忽聞登登聲。時歸橐垂矣。獨攜一遠馬繫舫頭。疑是馬蹇。須臾數十人操斧張炬。周麾疾呼。公知事急披衣起。抱吏部告身向後舫。曰善視此。而自投岸。呼援時初三月。熹微又夜半。水白如岸。公躍上。失足入水中。流沸湧下。賊去舟中人整視不見。公時第三子胤祐從。募善泅者求三日。訖無踪跡。定死矣。或疑賊是辛學黨。云公

喜讀老子手書至再急人困無德色嘗夜過狄巷有婦媿僵死趣贈薪米潘對峰死貧無子公為殮葬胡某蜚語侵邑貴邑貴加窘辱公匿諸家得間走此事多類此越三十七年乙酉長子胤祥謀合兩孺人葬吳縣竺山之陽捧狀請銘且問葬禮采告之曰葬者藏也歛手足形歸于下土今不得屍何居胤祥曰古有招魂葬于禮然乎采謂招魂之名始于宋玉然寓言非衷若招魂而葬則漢新野公主魏郭循以後莫盛東晉而建武元興間屢下

太嘗詳處即賀循輩僉曰非宜但禮以義起且勿道古子今向我而啼曰人孰無父我獨不得父而葬諸則是勿葬啼不止也夫人子亦致其情而已之死而致死之不仁而不可為則為尋招魂之故矣禮始死升屋而號曰復蓋以其土服北面而呼遂以衣三招覆屍不遽死親爾故升陘之戰婁邾人無衣可以招魂復之以矢明乎復之亟也或駁迎神立廟則可葬不可者曰魂氣無不之推爾哀情以通禮意其束蒲為形覆以故衣書生卒年月

于版內之棺中三號而閉。此委巷之禮也。速反而虞終其身如慕如疑。曰于彼乎于此乎。庶盡子心云爾。柴子再拜曰。祥得有說以葬我父。即委巷奚辭歸而制生卒子系云云。采不諱愚淺而為之。銘銘曰。

上世兮鳶腹。孝子痛兮棺槨。王孫裸兮不經。桓鑿石兮朽速。黃帝塚兮衣冠。向北號兮皐某復。魂遼陽兮楊柳青。來竺山兮適故屋。魚鱗鱗兮陟斯流。漸晏兮卒哭。

太學子泰周公墓誌銘

公諱大亨。字子泰。號大時。曾祖恭肅公。以美官尚書事。肅皇帝有功烈。載史傳。恭肅五子。長曰玄。津。季。曰存。江。存。江。三子。季。曰桂。陽。配吳氏。是生公。玄。津。生孺。瞻。無子。引宗禮。以公嗣。公七歲喪本生母。躡踊且哀。毀祖父母。極憐愛之。時父與祖父母折居。公不欲遠祖父母。又不忍離父。則日就外傳。于父所。夜依止。祖父母。公有殊資。喜讀書。未弱冠。即為諸生。名在高流。丁酉鄉試。危待之。隨鼓篋入。

太學益藉藉賢豪間。復不得志。喟然曰。家有賜書。柰何老邯鄲道。且爲康成太丘。于是歸事文。酒訓子弟。顏其齋曰我貴。事本生桂陽公。左右服勤。遇大事。一稟命。他猥屑不復溷。故桂陽公得跡絕城市。悲母早世。語及作孺子泣。每歲時忌日。嗚咽不勝。待舅氏有恩誼。周服食。佐婚喪。曰庶幾慰亡母。桂陽公繼娶王氏。性嚴重。公多方娛悅。凡三十年。王復先。桂陽公卒。公始終子道。弗替。既後。大宗居嗣。父孺瞻公喪。色墨形削。杖乃起。孺瞻固素封。公

收筭鑰數籍。授宗長區分。餘無所問。或請稽核。曰。親沒。謂何。因以爲利人之有子。爲視蜃灰。謹翰檜。如僅守藏。更何用置。後聞者交贊嘆。時與從兄同嗣。兢兢者方伺隙。公益情好。亡間哀少已。則錄所受產。分給宗黨。皆最厚。身不及三之一。及葬。視窀穸。加庀。公雖爲人後。事桂陽公尤篤。既割所嗣業。授異母弟。復量歲計。半留養。先是桂陽公有隱孝。母病。時時銛目。劇且拜天。割股肉進。病良已。其事不盡在人間。公爲稱述。當事廉得實。以孝聞。特

旌恭肅公奉諭葬。歷四世無專祠。公經營得在祀典。丙寅間。璫禍起。叔侍御來。王公殉節。奸黨拾掇。多所坐。公奮袂曰。侍御廉吏。豈辦此。且善人在難。飢不及餐。况繫門戶。亟先族貲助。從弟客死山陰。旅襯不得歸。公行千里扶還。山陰人義之。有王式。弓者。以女許公幼子。曰公長者。託此志。無負同產姊妹。二親恤不衰。異母妹歸沈。曰無以母故分體。因取愛女配其甥。教子延儒師。長日手自讐較。漏下止讀。乃寢。故諸子多名士。性潔癖古。縹緗滿。凡

席獨嘯一室。或流連泉石。乙丑。謁選人。擬就五斗。公笑曰。康成太丘云。何乃向人車馬下。具簪笏歸。盡釋家務。令四子遞承事。客至移日。陶陶爲樂。越明年病方。公婚嫁畢。置側室。生二子。至是呼郁孺。人曰。以此累卿母子。又呼諸子曰。身爲人後。僅爾。不光泉壤。是在爾輩。蓋公始終不忘嗣父云。公生某年。卒某年。享年若干。子某某。女某某。其子丕顯。丕承。以狀請銘。銘曰。

子者枝。其本一。自義率祖。同獨極。吁嗟吾公共。

子職他人爲利公維則泐諸貞珉將無斁。

承溪金公暨李孺人合葬墓誌銘

公諱瓚字廷珍別號承溪其先會稽夏氏世居嘉定縣樂智鄉弘治十年添設州治割嘉定之樂智循義二鄉隸太倉州遂爲州人五世祖諱清再傳諱文質三傳諱徽號西疇修長者行讓所卜地葬無後仲兄見隣兒攬稻切相戒且贈之米多隱德爲公王考王考以上皆夏姓考諱鳳號近溪繼舅氏遂因其姓稱金焉娶于王生公近溪公事親孝母病絕再甦人謂孝感旣生公猶徒手儼一廛居

見公兒時英傑。輒喜。公稍長。多病。從師無積日。遂棄去。年十三。挾少貨入市。常利倍。性不屑錐刀。又汎濫六藝。奇解。年十七。近溪公以計然筴游江淮間。公秉家政。開誠御事。有豪右齷之。侃侃直諸廷。繇是人漸愛敬。業亦日拓。遂厭市囂。曰。我奈何以奇贏起家。乃歸鄉。日與三老課農桑。閒及時務。有所商確。則上之州大夫。繇是邑大事多屬公平。準如鹽鐵河界州境。實爲嘉定幹。嘉定長恃高第。凌州檄州代濬。于是集兩邑士民河上議。公與先

贈君指度事勢。縣無以難。則曰。若獨不得相助。爲理。卽奈工費何。先贈君復歷階而上。公肘其後。曰。無庸。州父老不爭費。乃議工二百金。有奇。暫屬州。勅諸石邑清賦額。廉公能勅視環海諸都鄙。公履畝計量。所發奸隱。無算。人推其強正。戊申。吳水侵。公便宜條上。極言婁濱海水勢湍激。土田不恒。守故道。吏胥因緣爲奸。使荒稔錯亂。徵役不平。救荒應是亟。時王文肅公聞之。曰。豈俗所稱銷圩邪。茲故事。平時猶擾民。何裨荒政。公復奏記救荒必

籍殷富殷富所憑必按壤則今不先均徵役何以
責任事文肅公擊節曰幾爲故事悞亟贊成之于
是大中丞頒款教大要曰平糶曰賑曰煮糜州倅
傳公主其事畫地分屬公得南境慨狀曰我本願
行惠况復奉公則計土著先籍里幾戶戶幾口日
稽籍糶不足卽出家廩約費幾百金公念以帑金
賑銖黍將耗損無如易錢便又憫饑民枵腹伺先
捐私錢人贈六費復餘萬緡身至煮糜所督饗家
人供使稍緩卽指天以厲務豐潔官粟竭私煮十

有二日乃報竣饑民呼金公活我他畫地者卒故
事應且多乾沒饑民號曰我柰何不隸南境得食
金公惠州倅雅重公上其事邑侯以上歲獎勞大
中丞錫章服曰旌乃公義公性氣倜儻少雖廢學
及長至老手每不釋卷夜篝燈讀漏下三鼓未寢
凡古今史紀卽支于各地悉洞憶予少時見公必
詰問公應如流先贈君輒笑曰此丈人如石勒讀
漢事不厯章句小子無率口贈君性剛介少許可
見公則推誠相與酒次極歡以次女許公季亮卽

知長空集
烈婦也。公至贈君所。夏月必舉網。洒半。怕裸體而
漁。得魚則連臂持笑。烹熟大醉。爲適。皆豪上無俗
諦云。當公少時。中表盧母者。有保護恩。及盧亡。歲
時祀之。必涕泣。喜周人急。宗族鄉黨多待以舉火
者。甕橋梁振笑。獨孜孜不倦。與人交。推心置腹。不
設城府。遇卑幼如肅大賓。汲引無遺力。尤勤于教
子。朝夕提撕。咸本義方。閱歷成敗。得失輒引爲鑒
焉。蓋公負才未展。故唯訓。後是念公卒。人以年不
竟。用多追惜。

配李孺人。父諱天恩。早喪。依兄嫂。兄復喪。與弟于
居。距近溪。公不數厘。孺人操井臼。端視矩步。習勤
無懈。近溪公曰。李女器實。吾方擇婦。是必大吾門。
遂求姻。十六歸。承溪公。時方拮据成業。堂上姑病。
弗事事。一切家政。責孺人。孺人不辭劇易。身親作
務。又時時視姑。湯藥問寒暖。凡糞帚皆手理。小姑
四人。待飼待哺。待紉綴。携抱咸仰孺人。少不當意。
堂上色隨厲。孺人處之無幾微間。如是者十五年。
家旣素封。猶御荆布。凡公所爲。救荒諸義事。無不

孜孜贊助。既遠宣兄弟長出就外傳。公擇名師訓。孺人主中饋。必準禮節。故凡稱公者歸孺人。近溪公在病時嘗曰。新婦四十年來。其操作無論。卽事我。白首如一日。我家堂構基此。幸語後人。誠狀哉。性慈良。復敏決。近溪公歿。有庶勝時。孺人且老。待之備情禮。承溪公卒時。二室子汧與達盛。皆呱呱泣。孺人撫如已生。提以授遠宣曰。所不與爾子起。夏同朝夕者。未亡人無以見先子。旣爲擇配。今皆成諸生。游余門。猶記壬戌歲。孺人召諸子分屬先

業。余以姻家列議。孺人引據典禮。凡立後承祭。悉條序已復。泣曰。未亡人相夫子者四十餘年。後死者復數年。子皆我子。今乃無媿泉壤。一座爲歛容。曰。孺人道兼乎父。公及孺人生卒年月。及子嗣詳家狀。某年月日合葬于祖塋之昭。先志也。銘曰。吳塘之原。土高水漪。爰相幽宅。龜筮曰宜。鬱葱者嘉木。如帶者修池。四周縱橫者。公與孺人疆理之阡陌。西望軒霞者。公與孺人經始之椽題。迺告後昆。厥考貽爾。維貊貊茲。其勿欺。

其學之風。士高水。謝受。味。以。三。與。益。日。宜。其。
 宗。然。其。平。日。甘。合。養。于。庶。坐。去。即。次。志。身。
 日。語。人。而。兼。平。父。公。又。無。人。主。李。平。日。及。于。
 亦。好。地。子。子。皆。并。子。今。八。無。或。泉。來。一。動。
 皆。余。以。四。來。與。謝。人。氏。與。謝。人。氏。與。謝。

贈中憲大夫冲垣曹公墓表

按狀。公姓曹諱應豹。字廷光。號冲垣。以子官。贈承

德郎南京刑部主事。再贈中憲大夫福建漳州府

知府。稱贈公云。曹系出揚州泰興。代為望族。宋嘉

定中有諱華者。號看雲。以文學任嘗州晉陵主

簿。秩滿。就縣東十五里潞城而家。看雲二子。長與

次與。與歸泰興。與因留潞城。與字俊卿。元至元間。

舉孝廉。任營田司提舉。則潞城之曹。蓋祖看雲而

宗俊卿。俊卿三子。次琥。舉元皇慶元年進士。擢揚

知長堂集
州路知事。琥四子。其四時達。生子益。字原善。元季避兵徙無錫。泰伯鄉。則泰伯之曹。蓋祖原善。益四子。其三昂。昂二子。次闇。生六子。符最幼。授宅。得乃祖居。子貴。封戶部主事。生四子。次察。嘉靖戊子舉人。己丑進士。繇福建邵武知縣。晉戶部郎。出守汀州。竝有聲實。載閩乘察三子。長徵。文號吳菴。負文譽。嘉靖癸卯闈卷。且登雋。及見姓名。主者以同邑嫌黜。易他卷。而其弟徵。賦號晉菴。舉嘉靖乙卯北闈。遂襲乃祖居。吳菴則授先業里外之唐庄。再遷。

故里之西庄。竟邑。邑以死生四子。長景豫。號振峰。是爲贈公父。娶于朱。生四子。長端。吾次完。素次贈公。次諧。虞自吳菴。公歿。游遭死喪。徭役。振峰公乃大困。凡遺畝及西庄居。奄歸晉菴。朱孺人又卽世。熒熒藐孤。端吾完。素差長。旣屬專讀。諧虞尚弱。稚惟贈公方十歲。則稍稍寄筦鑰。于是不克治。經生言。然性敦敏。從兩兄受句。輒旁解。自正史。汜釋官。小說。過卽疆。記年二十四。娶汪太恭人。逾年。舉我年友履垣。荃履垣四歲。卽育庶祖母吳所贈公私。

請曰兒四輩孫且多不便以孺子煩大人振峰公曰吾往失教汝欲以若兒償贈公則俯首應至履垣就外傳每師膳與小小脩脯仍恐累振峰公卒自任履垣既畢章句力不能延儒師贈公舉諸書若六經史傳各大家集文董履垣課贈公非學徒何乃爾雅及援指義則曰讀書當見古人效法行事若第爛熟何殊書架贈公固高學徒一等矣振峰公且老端吾時徙居完素諧虞皆就館穀晨昏惟贈公婉變承志無間振峰公素卞急獨安贈公

端吾待諸弟嚴與完素諧虞時口語亦獨宜贈公一日振峰公養疾庶女家端吾三兄弟閱于墻振峰公甚怒禁勿通見贈公因庶妹請振峰公遷怒見卽連批贈公頰贈公長跪受曰兒不能解兄弟紛致傷大人。心兒罪宜責跪弗起振峰公怒少平則徐爲陳說許各悔罪乃起旣振峰公捐館贈公擗踊幾絕水漿不入口者三四日亡何族難作晉菴有庶子完彛者夙與端吾兄弟隙乘機構因株及贈公邏卒旁午贈公驚匿履垣奔訴諸族族綱

紀心憐善人在難。然亡敢贊一語。履垣遂銀鐺就吏。時邑令旣行金刑。弗祥急索贈公。履垣白令。父不辜。願明廷矜釋。卽不得子。可代父。亦願教孝。時履垣年十九。囚服楚楚。再鞠辭益堅。令固知贈公冤。遂亦不問。獄成。獨下諧虞於理。往振峰公授田二十畝。至此飄搖盡毀矣。履垣旣脫父於難。負笈從師。鵲湖贈公亦用館穀餬口。然質直不能合於俗。人子復又謝去。迨履垣補弟子員。贈公誠曰。古稱四民。今旣成士。便當如女子。從一苟喪厥志。求

爲農工賈。不能贈公。知言哉。於時諧虞旣縲絏。端吾避蜀中。惟完素稍克支。贈公則四壁不立。或對完素。兩兄弟歛歔相勞苦。或旦夕慘慘。獨自傷。履垣請間曰。兒痛不獲承大人歡。恐憂將損人。當柰何。贈公曰。爾忘爾叔非所耶。來日苦短。得兄弟聚首。啜水幸矣。適履垣受知。諸有司每臺使者覆獄。輒爲諧虞。婉轉得不斃。筆楚後臨海任公。令邑履垣。亟稱叔氏枉狀。諧虞遂得放。贈公撫履垣喜曰。使我兄弟聚首。兒力也。兒乃成我願。庚申贈公病

知長堂集
瘡履垣郡試不利謀往于守贈公訓以義命戒毋
往且語諧虞此子爲我情迫入郡防他虞必勿令
出門當是時守徇薦牘文望俱黜落吳子衿果集
守門噪守惡辱已上數輩於學使降革有差人因
服贈公先見嗣辛酉贈公疾甚拊床屬履垣曰汝
祖沒六年家門破敗不得視入土生兒四人汝年
二十五不及見新婦兩恨刺心復何言屬已卽勉
成履垣婚不踰月卒贈公得年四十有九終歲杜
門寒暑手一編蕭然塵旣不向人乞升斗與汪太

恭人相莊二十六年亡幾微謫嘗課履垣菀文日
午履垣已屬草猶未舉火謂履垣汝弟方市米盍
少緩內行和介可謂貧而安矣贈公處宗黨遇非
禮義輒形辭色抑於分卽憤懣積日其好惡有辨
固然人惜贈公不及見子成進士用所未足抑履
垣立士行章明儒術天下望出處爰稽令名實歸
贈公且書君陳不云乎惟孝友于兄弟克施有政
視公家庭其爲政不旣優歟孔子先命之矣生卒
年月子姓姻族詳誌狀茲特表其大者

公。家。與。其。氣。如。不。測。對。越。不。測。命。之。矣。坐。空。
 且。立。士。計。章。與。論。而。天。下。遂。出。良。友。辭。令。各。貴。誠。
 固。然。人。世。微。公。不。交。具。于。氣。識。士。氏。湖。未。與。味。氣。
 雖。始。贈。汗。輸。的。味。公。唯。前。微。然。日。其。後。亦。將。
 小。事。內。下。味。公。四。時。食。而。安。矣。公。之。為。家。也。

張塲童礦銘

塲童張忱父溥字天如學者推西銘先生以辛未
 進士選翰林院庶吉士母王夫人忱故非張氏子
 生父沈諱承字君烈母薄諱某字少君君烈讀書
 有名品當萬曆季古學不通時獨治經傳古文攻
 詩賦以試輒第一一人亦帖帖伏然孤踪自行意泊
 如也天啓甲子鄉試罷一疾卒少君痛其夫日夜
 啼哭作悼亡詩一百首未幾亦卒詩載君烈卽山
 集後天下傳而傷之方君烈夫婦相繼死忱生未

期失乳且難。平時稱慕悅者。不得一人顧。天如獨
心惻惻。請于母金太夫人抱爲子。擇乳母忠養。名
之曰張忱。太夫人命其小字曰招生。忱示不沒沈。
招則祝其宜弟。蓋恩勤倍至。時予與天如同學。實
贊其事。私念若生女當許配。爲天如分任。越二年。
丙寅。予果生女。遂許配。又四年。崇禎之己巳。女死。
于江西官舍。未幾。予亦以病罷歸。歸則忱已七歲。
就外傳能朗誦論語及天如選庶嘗携家挈之之。
京師。予執其手。屬兒守祖母起居。舟行。母輕脫。忱

唯喏。獲度。予竊喜。明年壬寅春。亦以痘瘍卒于京。
邸。年九歲。夏五月。喪歸。天如貽書悲痛。托以成禮。
葬。或請祔亡女。礦予曰。下殤合葬。魏世見譏。禮家
不可。張墓則族衆不一辭。且弗屬。歸沈。又失數載。
恩勤意。我何以成禮。乃擇太倉西區一都之原。葬
之。忱生于天啓甲子。某月某日。卒于崇禎壬寅某
月某日。葬于其年五月某日。哭而爲銘。銘曰。
天酷沈舉家墜。嗟兩生翳急義。女不育。兒空字。
徒盡傷負初志。銘斯碣。紀厥事。

其母曰其子其年正其某日哭而... 不河... 風... 不可...

殤女礦銘

殤女者張采之第四女小字四姐許配其友天如張溥之子忱年四歲以痘瘍死同姓也何以昏曰忱故沈氏子生未期連喪其父母天如撫之為子名曰張忱予贊其義以女許崇禎戊辰予携家官江西之臨川女三歲隨往時祖母蘇太孺人年老愛其女行坐提抱女惠言笑解意祖母以為適明年巳巳夏四月死太孺人與其母秦孺人哭之慟謀所瘞處予謂死臨川則瘞臨川瀟博之野其據

知畏堂集
况乎下殤。太孺人哭曰。携我女來。棄諸旅。魂胡不歸。我弗忍。且何以慰天如家。乃命家人載其柩歸。葬太倉二都祖墓東。傍女生丙寅六月某日卒。已四月某日。以其年六月某日。葬銘曰。維澗西鬱有墳。崇四尺。汝高曾。鬼氣之一本親。嗟弱女。庶以寧。

知畏堂文存卷八

太倉南郭張采著

庶嘗天如張公行狀

公諱溥。初字軋度。改字天如。號西銘。遠近學者稱天如先生。最顯蘇之太倉州人。曾祖鯨。祖仲。以長子官。贈資政大夫工部尚書。仲娶於方。生三子。長輔之。官工部尚書。次天。又次翼之。號虛宇。是為公父。娶陸繼潘。後得副室金實生。公虛宇公。行善多。陰德。凡十子。公次居八。門房俱稱公十者。以連尚。

書二子云。公六七歲。奇慧。不逐童戲。兄弟中間。童戲獨正。日視亡預。晨佩管。遊從師。受讀。日可受數千言。暮反。揖虛宇公。所或呼問。今日何書。琅琅誦不休。虛宇公絕憐愛。數歲見兄行習舉子業。卽私習舉子業。甚欲通古今文。苦不得買書錢。蓋虛宇公雖素封。子多弗及。周則金孺人。緝麻績。衽佐公。日夜取成書。斷章手錄。其後同采讀書時。將所錄本。篇篇投火。復日夜手錄。及十日。或半月。同采高吟一過。又復投火。采問曷存。斯曰。聊用疆記。奈何。

留滯心路。余笑謂世間節錄本。侈行公如存者。充棟矣。用是右手握管。處大指及掌心。咸成繭。五六日。須割去。冬月且皸。日數沃盥。其勤學殆天性。方私習舉子業。且一年。已成章。當年師猶未知。用廢讀。授夏楚。長而語采。我自遇露生張師。始獲黃童譽。師弟亦佩知已哉。十五歲喪父。同金母出居西郭。顏一陋室。曰七錄齋。益讀經史諸書。亡厭。十九補博士弟子。聲聞籍甚。交一時名賢。志爲大儒。戊辰。以覃恩。選貢入太學。是年適余先成進士。公

策款段之。京師托余邸會所貢天下士。暨公卿雅流咸願獲交。公幸一望見公。則循墻謝不敏。而乃拜瞻。宮殿訪南北郊制。問辟雍石鼓文。上下齊魯伏誦。闕里氣益優裕。兩人先後歸。冬季采令臨川。公送抵錢塘江。執手欷歔曰。出處庸有時。第舍我踽踽獨學。行奈何。泣數行別去。先是六年。前公延余讀書七錄齋。公晨出夜分入。兩人扃戶下帷。公上自皇古。下迄今茲。凡治亂興廢賢愚。是否亡不殫厥理。要此如行舟。公自繫帆置余作相。

風舟行不干相風。輒時占顧以故。兩人深相得不。能頃步離隔三日。卽信使相望。公旣別錢塘歸。果踽踽頗不聊。又念友生若參昂古學罔攸明。因集吳越間俊造。凡經明行修。一輩定規模。要計程課。旣集。公颺言于衆曰。不殖將落。母陷匪彘。母讀非聖書。母違老成人。母矜厥長母。以辯言亂政。母干進喪乃身。嗣今往犯者。小用諫。大則擯。勿與世教衰。茲其復起。名社曰復。共勗諸衆。戚曰諾。于是復社之名振天下。錄吳越以及四方。凡其地俊造。經

明行修者以不得與爲恥。采在臨川聞之曰。善哉。張子志則廣矣。難乎其後也。居庚午辛未。連舉歲進士。廷推善文章。任翰林選者。無出公右。選翰林院庶吉士。公生平謂人丈夫貴有志。昔人稱三不朽。要各有類。如德則修身及家。均平天下。否者備顧問。奏對三雍爲國家作述禮樂。昭宣教化。功則爲社稷。臣勒名旂常。否者表章六經。裁量子史。俾後學有所依倣。稽勳亦不在撻伐。下言則冠豸。螭陛屈軼。指佞言行道亦行。否者著成一家藏。

諸名山使千萬世知有其人。比於龍門扶風。又每恨無鞅掌才。不任奔奏。以此讓人同志。知其托寄有在。及官翰林。思一有所表見。卽口語不能無予奪。又性淳古。所不可輒面赤。不應讒言。遂孔張執政。要人耽耽視公。賦青蠅曰。先人未淺土。苟不獲歸。襄厥事。則願以身祭百蟲。壬申請假歸。營卜宅兆。葬其父虛宇公。手自卒瘞。未嘗屑屑問諸兄弟。發所度書。不下數萬卷。丹黃白繹。無寒暑間。海內學者爭及門。屢滿戶。當是時。要人方伺間。不得與。

其黨謀曰若聚徒何爲是可指而棄也欲發猶未
有名而往之恥不與復社者心啣其事獻謀曰故
時若立復社名甚著今加婁東指爲黨人曰婁東
復社卽可不必有踪跡將一網盡丙子招里中猾
條事及之下提學御史望風者謂公固時所忌許
公可進身遂縗服伏闕云已去官由婁東連疏
詆復社下巡撫都御史提學御史倪公元珙言諸
生誦法孔子引徒旅誦習實非黨亡可罪者且文
章爲士精心卽國元氣厲治士不便執政恨御史

庇士錫二官巡撫都御史張公國維言疏詆者去
官自有本末與婁東絕不屬年月可覆難証證有
旨切責必批根乃已牽連六七年而公怫怫死
矣公死後復有攻公希跳獄者再得嚴旨責公
及采各自陳采謹齋沐具疏備述復社端倪中云
謂復社是臣事則出處年月不符謂復社非臣事
則生同砥礪死避羅弋負義圖全臣不出此末且
云念溥日夜解經論史矢心報稱曾未一日服官
懷忠入地卽今嚴綸之下并不得泣血自明良

足哀悼。既草疏。焚一爐香。向公木主呼曰。天乎。公固亡罪。我杜門。惜不與社事。痛公一生汲引。乃加罪。我不敢逃死。已任天子聖明。可無他者。赫然怒相見黃泉矣。疏上。上亦鑒書生文社無足究。旋得公素行。心憐之。有旨。其勿問。以後文社課業。首要端飭身心。講求忠義。不得徒尚浮華。標榜延譽。提學臣嚴誠。母忽事。白于。是御史劉公熙祚。給事中姜公塚。交章薦公。祗行方聞。所纂修經史。有功典學。請悉徵遺籍。備乙覽。奉旨。如御史給。

事言書屬提學御史呈進。天下傳而頌之。倪公賢者。張公一代名卿。劉公按楚死。國難。姜公直言受。廷杖。四公不輕許人。卽公事狀。無待辦公事。親孝。既長。依母側。如孺子。待兄弟。友兄弟。十人。不一母。又情性差別。公未出西郊。顏所居曰萼樓。旣通籍。凡諸兄弟。嫁女娶婦。不辭頻復。交朋友。有信。州諸生沈承。字君烈。負才而天。妻薄少。君相繼遺孤。僅生五月。斷乳。且斃。公抱歸。撫爲子。名張忱。余字以第三女。後余女死。臨上忱。隨公死京師。公與。

君烈交不厚。第憐才自急義耳。蒙師劉振溪死。公
操文哭祭。約管子士琬卜地成葬。歲恤其妻若子。
友人何孝廉南春。杜秋曹麟徵。曹憲副三用。許黃
門國榮。皆先公死。以孤托公。咸孜孜不遺力。所爲
文初似唐孫樵樊宗師。中返於醇。做韓歐大家。既
融洽經史。遂出西漢詩。率筆題咏。皆三唐風格。讀
書日高起。漏下四鼓。息起坐書舍。呼侍史繕錄。口
占手注。旁侍史六七輩。不給固切友聲。書生故人
子。挾冊問無用。剝啄輒通坐。坐恒滿四方尺牘。又

咄咄應而公俯仰。浩浩所著述。可一間屋。豈中材
之子能萬一。幾及乎。然公同余讀書時。見公解粽
設餉。誤漬墨口。輔盡黑。余笑公終不覺。夜深燈盡
意。炤如白日。疑天遂明。視庭中則雪深一尺。呼童
子。鼾睡公恨不得一杯酒。余謂無恨。他時定念此
寂寂。及余在臨川。雪夜思公。遂覆杯。公亦雪夜念
余。把酒不適。則公專篤。又如此。誰謂對客揮毫。天
性然也。公切切辨邪正。論朝廷事。銳欲澄清。冀
奮庸聞善人。難如身及。不暇卒食。居鄉求民瘼。汲

汲布惠吳水國舟子多榜官閤子雄公禁不許出入買他家舟辭氣溫雅從無貴人色卒之日遠近赴弔哭多失聲嗟夫公以名高招忌忌者百方中公卒不得他過惡窮年搜索不過曰復社卽問忌者復社過惡是何等天下萬世可以知公矣所著有七錄齋集七錄齋近集史論一編二編及論畧春秋三書若干卷所輯原分部立例經則十三經各有詁釋合註疏大全刪定者曰合纂其四書易經尚書毛詩先已行世史則有歷代文典文乘及

崇禎文典尚未成集其行世者爲通鑑紀事本末宋元紀事本末隨事屬論彙成大觀又取南北史用魏齊周書較量同異他如列女傳讀史管見皆評定標目者子集則有莊子乃彙文選廣文選唐文粹宋文鑑元文類芟複去雜曰五刪又念漢魏六朝諸文人篇章散逸有集則加訂正亡集則遍蒐羅人自成編題詞弁首共一百三人名曰百名家又謂無益之辭雖多莫用惟歷代名臣奏議足可經世嚴加存置自宋以下卽文辭併授裁削尚

有綜緝類書不下數篋。今所奏。御十不及三。卽有當。聖心恐以文人宣示。嗟夫。旣已無年。夫復何言。公一子。纔二歲。先公一年殤死之日。僅一女。又撫外家女。一時妾有三月遺腹者。因不敢立嗣。越七月。遺腹舉女。隨殤。於是按宗法。長兄一子。不得立。立次兄幼子。錢宮詹收齋。命名曰永錫。字之曰式。似。迨次年五月一週常禮稱期。而小祥。公始柩前立嗣。成服。則公不祀者。凡一年。遺腹舉女。以後。采不能辭責矣。公生時。與采雖不同宗。譜家人。

第呼南門西門。以所居稱。謂實不分兩家。沒後。處分。采固不避劇易。嗣定。卽卜地西門外。婁江西館南岸。崑山之三十保。以崇禎十五年十月二十七日成葬。按公生萬曆壬寅三月念三日。丑時。以崇禎辛巳五月初八日。丑時卒。享年四十。娶王氏。嗣子永錫。聘孝廉華公乾龍女。女一。公歿後。采許字嘉定太學侯公岐曾孫。繫所撫外家女。公許字采長男于臨。茲墓前石。托明公信史傳後。嗣子藐孤。不勝文。采辱後死。敢次歷履。嗟夫。毀譽遇也。窮通。

時也。生死命也。蓋棺定論。恃此心爾。惟明公知亡友稔。請垂編錄。謹狀。

吳公諱宗周字從先號思喬世蘇州東洞庭山人曾祖琦生本澄本澄生公之考采有世德公生三年喪其母十二年喪其父家貧養于繼母何繼母養甚力教公讀書公即勤讀書亡何家益貧母子相持謀曰坐守此行困柰何時公年且十五六即棄書治賈游浦口所挾貲固無幾公能察消息占物貴賤又年少無童心為賈人所信業遂進因迎母家浦口公事繼母盡色養歿之日躡踊如所

思喬吳公暨配朱孺人行狀

公姓吳諱宗周字從先號思喬世蘇州東洞庭山人曾祖琦生本澄本澄生公之考采有世德公生三年喪其母十二年喪其父家貧養于繼母何繼母養甚力教公讀書公即勤讀書亡何家益貧母子相持謀曰坐守此行困柰何時公年且十五六即棄書治賈游浦口所挾貲固無幾公能察消息占物貴賤又年少無童心為賈人所信業遂進因迎母家浦口公事繼母盡色養歿之日躡踊如所

生浦人傳爲孝。公性好行善，多善事。隣人妻死，擬鬻女，歛公給具，女得不鬻。一無子老人，買于途，盜劫貨盡，欲沉水。公問所失，贈如數。李千戶者，酒奸人，伺其醉，竊所署印，行詐事，覺，千戶擬城旦，春囚幾斃。公爲代贖。山農倪姓者，急官逋，賣兒，應得兒價，白晝爲人攫，則歿。爾公盡償其逋。王醫老而獨公，爲月月給餼，猶時就食餅家。餅家難之，公屬無較，爲補餅，直亦終不使。王醫知，魏某生一女，螟蛉一子，有少妻疾，亟以所積財託公。年餘，公呼其子。

女及妻出財，三分之，各拜受去。史某無子，以百金貴藏公所。數年，公呼史還之，曰：「恐一旦無白，白有公貸不克償者，有以居請。」公曰：「茲區區，豈致爾暴風雨，有以母木請。」公且怒曰：「若忘親，乃及我，俱焚其券。」公嘗治屋，與隣接，先爲隣甃，整讓數尺地，始自治屋。浦瀕江，渡處患覆舟，公嘗呼小舟往來，救援。一夕渡江，宿舟，心動，戒舟子加絃，旋易漁舟，登岸未幾，風濤作，所宿舟覆。公亟懸金募救，墮水五人，盡活。公以先易舟，得不墮。每暑月及盛寒，則煮

粥糜熱水漿。汎給行路。或遇饑病。則遺錢遺粟。見途有傾仄橋梁。有圯則躬自修平。如辦家事。其尤大者。浦城半圯入江。因循百年。公建議修築。白當事當先堤護外。則身任役。乃節出入。量省費。迄城堤兩工成。城西偏以積淋壞。工不繼。適口警。公曰。一偏壞與無城等。倡募議。先出貲。倍城尋完。他如建晉山文峰。平山文昌閣。珠泉畫舫齋。皆浦形勢。朕于公末矣。公嚴整有禮。皇子弟遭于道。必拱立。俟過乃行。有不孝子。伴父人。共絕公呼。與勸戒不

孝子後卒。悟公中年始得我年友嘉禎。源長方源長未生時。朱孺人買一婢。納公公峻。拒曰。生育有時。母自損德。及年擇人嫁之。既生源長。方授小學。卽日說忠孝廉節。徵引古事。稍長。延名師。廣氣類。講學厲行。戊午源長得乙榜。有云惜者。公笑兒大了事危。得之。丁卯源長舉鄉賀填門。公曰。無庸喜。所事遠大。須努力。然自源長上公車。公卽絕世味。茹蔬淡。日坐靜室。誦佛參禪。悟余每不喜人學佛。以語公。則不狀。近世子弟得一第。父兄張甚。凌轢

里間子弟不肖。固無論。或自好。期修立。制于父兄。輒多敗。則以公學佛。當儒行。公常戒源長曰。此手一污。人品喪盡。又銘其座曰。靜以修身。儉以養德。故源長率公教。闔戶讀書。不一通。公府公性既澹靜。每遇名花開。或月夜。必邀朋觴咏。見好山水。遊屐必遍。亦自闢亭園。結九老爲逸樂會。携幼孫尚羊。其間已已。春借源長歸洞庭。拜先墳。已則笑歌湖山。坐石壁。集故人。指點童時釣遊處。訪凋落者。厚遺贈。因登虎丘。復登惠山。流連浹旬。自言父子

借遊。具有天樂。朕公得一適意事。則必云養德。惜福。乃可長久。故終公世。旁無嬖門。無雜賓。潔清有節。泊如也。卒之日。呼源長曰。平生不妄不欺。于死生無所戀。願兒處爲正人。出爲廉吏。以此慰地下言已。聲佛而卒。朱孺人爲公元配。父懋德。年十五歸公于洞庭。時公商浦。孺人與何孺人居泉竈。未烟者數數。孺人不辭劇易。手指自給。然事何謹。一豆一羹。必以誠敬。既成家。移居浦。事何凡。三十六年無間。何疾革。

捐孺人曰。他家親生婦。不得孝順。如爾。願子孫如
爾。以報孺人治家。平恕。大小就理。夙夜執勤。家人
化之。終身服布。澣得綺繡。輒藏。曰。毋忘洞庭。忍寒
時。及課源長學。公既延名師。廣氣類。戶外履。且滿。
孺人則精五飯。清旨酒漿。猶時問童子。先生當意
否。故人益稱公。源長遊太學。孺人訓曰。學如登山。
步高一步。交游當擇勝已。兒識之。源長間歸省。必
問藝文多少。試何等。交游何所。人源長詳述。以爲
喜。丁巳。孺人病。源長禱天。割股肉調湯。進良愈。又

一年餘。呼源長語。死期至。期端坐逝。孺人性素約。
通歲持齋。過半。雖不解文字。言行多合古法。公常
日閱性理通鑑。孺人亦審大義。孺人日誦心經。念
佛號。故公晚年學佛。公與孺人多相成。云。子姓具
家狀。先是孺人卒之二年。葬浦西林山。未具銘狀。
茲扶公柩。啓窆。合葬。有日。源長以采同年友。知交
有素。其辭可不諛。來請狀。采得按其家傳所列者。
狀如右。

先考贈君行略

傷哉貧也。贈君棄采且十有五年。無以為葬也。今有日矣。則謀所以乞言者。而哀不成序。又忽忽自廢。但念先德不揚。罪乃滋大。于是嗚嗚為辭。條其大凡。卽孺子文乎哉。孺子啼也。家世單寒。始祖諱拱者。相傳為州沙溪鎮人。生東園公。東園公少孤。冒姓陸。則未知陸所從。或為外家姓。東園公積行修德。以徒手致千金。為鄉邦矜式。始卜居於治城之南郭。生秋田公。復張姓。配姜氏。生吾王大父海。

山公次洋山公海山公諱用賓配顧氏實生顯考
贈君次先叔見海公贈君諱鳳異字伯鳴號觀海
當王大父以布衣讀書稱孝弟規趨矩步造次依
古道訓子極嚴整贈君兒時奇慧讀書三過通誦
朕輒調達亦以故多得大父杖一日受杖號于庭
適先外祖景山蘇公來謂大父海山復杖兒耶因
語贈君郎無號爲我揖贈君肅衣而揖卽對次詳
敏景山公因謂大父生兒大佳乃復杖則若我家
者且柰何王大父言八九歲兒不馴輒口占詩對

嘲某某昨南鄰兒何等者十六歲便已着藍衫令
人思之懊恨景山公曰郎僅藍衫耶所不信者吾
有女年等願許以志吾目時景山公文名藉甚生
徒遍婁膠兩邑負人倫鑒先王父聞之心喜唯唯
因遂定盟及行禮裁大學衍義一部白金二兩是
爲我母封孺人里中至今稱兩家儒雅旣贈君年
十四景山公館于城遂從之遊景山公學富所讀
史書手自節錄于古今興廢成敗人物臧否皆有
論斷尤精性理所以贈君學有原本時江陵張相

當國懲士風浮薄。議減天下生員名曰沙汰。所進子弟額不過十五。蓋岌岌乎難之。贈君年二十試皆冠軍。補州庠生。嗣以試高等得填增廣。生于時贈君年且三十。再歷場屋。見先王父垂老。心獨憂。益發憤下帷。而邑中執經者趾相錯。贈君談經不爲小章句。每謂易學衰絕。學者安于陋義。徒取便文。卽舉卦德。卦體。卦象。卦變。罔或分解。遂使圖說隱淪。當篇莫究。用是開曉門人。極陳數理。一時以爲宗。乃大父病。病噎。贈君遂謝去。門人侍湯藥。頃

刻不去。左右頃刻去。左右卽王大父不歡。凡王大父所欲。未及言。贈君已先辦。時歲大稔。里中饑。不得食。贈君則忖度大父意。日聚長老四五輩。爲游談。大父每語長老輩曰。我有孝子。子純孝。卽今箕糞。皆躬親。我視此子。轉可憐也。于是長老輩曰。微君有孝子。卽吾輩能無忍饑。積四年餘。而王大父卒。則贈君服勤至死矣。王大父卒時。呼贈君與叔氏受遺記曰。兩兒孝友。不煩老人瑣屑家業。但老人死。長兒專讀書。次兒專田事。願必毋生分。昔張

知身堂集
公義云何。贈君與叔氏拜床下。曰。嗒。嗣是類其室。曰。怡怡。凡贈君所得館穀一錢一幣。皆歸叔氏。不問也。贈君復授經海上。念顧大母老。嘆曰。生兒不膝下。安取兒。隨復謝歸。事顧大母。溫清以時。有所痛癢。手爲爬搔。頭垂白。大母呼之。猶以乳名。時伯兄敏生。已二十餘。不肖。采亦四五歲。而贈君婉戀膝下。如在抱。既大母寢疾。染痢。贈君左右之。如侍王大父。扶護洗沐。未嘗一經婦婢手。及卒。哀毀幾滅性。以後凡祭。必呼父母。述近時事。已則號叫欲

絕。故采少時。疑祭之號叫。爲世常禮。云。歲辛丑。叔氏欲移居北宅。贈君聞之。凄然曰。生分耶。叔氏曰。否也。此間屋少。又北宅間。今各居弟。仍爲兄總家。政。贈君重拂叔氏意。則從之。凡畝稅所入。諸錢穀。任叔氏。如同宅時。初亦小有及。歲餘。日給斗米而已。先伯兄敏生。以爲言。贈君恚曰。孺子欲亂王父命耶。先孺人窘甚。亦稍稍以爲言。贈君則呼王大父曰。先父聖人。早知有婦人言矣。于是終贈君之世。日給斗米。未嘗議剖析也。先是大父海山公與

洋山公長秋田公以家業三分之一授大父一授
洋山公一自贍有年矣既秋田公七十餘與范氏
復生一子名嘉賓嘉賓生而洋山公卒洋山公有
子名梓十四歲夭嗣絕議嗣則叔氏見海公應繼
秋田公惑于范氏欲取前三分者中畫之而以王
大父與嘉賓對受即不肯爲洋山公立嗣親黨以
爲洋山年垂四十有子中殤無廢祀禮秋田公迫
于此議不得不爲洋山公置嗣則以爲兄終弟及
嘉賓可繼洋山親黨復以爲弟無承兄禮且宗子

見有次男于法不順于是以見海公繼洋山公而
以所自贍者授嘉賓秋田公卒嘉賓年七八歲先
大父爲之撫養婚取及先大父卒嘉賓長不率蕩
其家未數年子立贈君周恤罔不盡乃嘉賓不爲
德日謀之訟師庚戌乘先伯兄敏生歿伐我喪訟
于有司彼人執辭謂洋山嗣兄終弟及有成命贈
君泣不辨曰三十年來且兩世鄰里無不知今乃
爾但我父子兄弟以孝友著今奈何對簿家門事
則議歲給嘉賓卽爲好言誦贈君德至厚不半歲

孽復作變端百至無虛日。初藉口云嗣旣辭窮直。曰貧無賴耳。贈君爲膳。爲居室。爲寒暑衣。爲其子術業。極周至。毫不較。里中以爲難。然贈君性剛明。好行仁義。多遭橫加。乃鬱鬱遂因以喪身。孝友之報。罹此天乎痛也。初嘉賓有女童時。艸艸出爲人。寄養卽不聞問。後轉隸宦室。適嘉賓洶洶時。贈君聞之。撫膺曰。噫。妹也。沒入耶。卽乃父亡天倫。我獨不念祖考。則亟貸金贖歸。令孺人女之。長嫁如女。今爲成家。家素封。猶憶女歸後。嘉賓孽作。牽妻孥。

臥堂中。時女稱贈君爲父。乃出執其父母手。疾呼曰。我父何負爾。若負爾者。我安得至此。語已。一慟幾絕。鄉鄰見者皆涕泣。蓋人人深也。贈君負經濟。有應變才。不得大用。所可略舉者。如鹽鐵河幹在嘉定縣。太倉州間。狀于州。屬支流。而爲縣門戶。河淤卽不能度。而佗出。時議浚。欲以工半授州。則是州失作業。以代役。于是悄悄有言。事下兩邑長。兩邑長各集其士民。近千人。于界議所從。時縣父母恃高第。頗陵州。州默默。贈君歷階而上。陳河勢利。

害。反復幾百言。縣父母理屈。則曰。獨不得相助爲
理乎。贈君曰。力殫矣。父老願以財請。乃議以二百
餘金爲工費。是役也。州士民咸叩首贈君曰。微公
幾敗乃事。公自視孰與蘭相如也。因共刻石河上。
云。歲戊申。吳中大祲。贈君奏記當事。凡救荒之策。
具備。大中丞以下多從之。素急人急。見有冤抑。不
惜以身爲援。家無擔石。每一濟人。輒百方假貸。與
人交。推誠盡志。中不留語。卽小善碎美。輒流連不
置。好接引後進。所拂拭之。無餘力。惟恐不見其成。

通必面折。聞暮金如刺。人負之亦不問。蓋心氣
正。固天性。狀又體貌方重。禮度。澹如也。故每爲邑
父母與學師長所敬信。如山東二固王公。解任時。
餘。緩金千兩。以廉不取。欲貯公用。難其託。則請贈
君封識。以爲據。其見重如此。不啻楚季布。南陽來
君叔矣。丙辰。以嘉賓故。致噎病。與王父同。乃王父
優游者四年餘。而贈君不能以五月。則人子之孝。
與不孝。皇待人言。歟。贈君臨歿。叔氏哭曰。知我惟
兄。幸一言。兄不言。先業混混。百口其奚辨。贈君注

視曰。無庸兒能辨。呼不肖曰。兒成我志。蓋贈君終始念王父言。不忍聞生分也。嗚呼痛哉。贈君生于丁巳年七月十六日申時。卒于丙辰年九月二十日寅時。享年六十歲。卒後十三年。以戊辰不肖采第。值覃恩。得贈文林郎。臨川縣知縣。配蘇氏。封孺人。別有狀。男二。長士魯。州庠生。前贈君六年卒。娶曾氏。再娶楊氏。十六歲歸張。二十而寡。守節貞苦。未旌。次卽不肖采。任臨川縣知縣。娶秦氏。女二。一適瑯琊王彥。一適金聲亮。十八而嫁。不滿歲。聲亮

歿。不食積日。歿以烈殉。皆贈君遺風也。孫男四。于積娶朱氏。于基娶沈氏。于封娶周氏。士魯出于臨。聘張氏。卽庶常溥張公繼女。不肖采出孫女三一。適李開府庠生。士魯出一字大叅。錫璠。葛公孫雲芝。一字常熟。廩生。彛楊公子靜。不肖采出。又不肖采撫侄女。未字。曾孫女三。皆未字。嗟夫。凡所稱述。非不肖采能歸美。蓋旣多遺忘。又人倫之際。難以詳明。恐傷先人意。惟是道路有口。邑之人而旣知之矣。則四海之內。百世之下。當有鑒而收者。孺子

之啼。夫何足云。誌傳所垂。以俟君子。不勝泣血漣如爲請。

先妣蘇孺人行略

嗚呼。采述孺人而自稱不肖。非概詞也。曰母固聖善難克肖。况以常人爲之子。卽今稱說行事。口塞不流者。內美弗著。則惟門戶之際。父子兄弟夫婦之間。天顯攸屬。有所著。必有所形。相形爲德。我母夙戒。則不肖采以微詞。序絕行。嗚呼。悲之甚。痛之甚也。孺人姓蘇。父嘉定庠生景山公。母魯氏。嘉靖丁巳九月初七日辰時生。孺人從小婉靜。解父母意。景山公奇愛之。時孺人有外祖母過氏。養於景

山公所。知書博通。今古能解經意。記史事。爲時大
家。孺人日夕與處。得聞正言。莊訓。則益開悟。以家
貧。八九歲卽工紡織。不能通句。僅口授。景山公刻
意擇婿。旣倉卒。奇贈君。語在贈君傳。歸告過孺人。
過孺人立決之。聘時大學衍義一部。白金二兩。近
世亡有也。孺人有長兄。年且長。孺人數歲旣贈君。
執經。景山公凡景山公手錄經史諸書。必爲兩本。
子與婿各受一。久之。景山公嘆云。編摩一生。僅足
了婿事。復自嘆。骯髒死。乃在女兒手。未幾。舅氏果

天。孺人年十七。歸我。贈君歸之日。外大父呼大父。
海山。猶記前事否。蓋指聘時也。大父曰。古諺。敢不
銘。子孫外大父因云。貧家嫁女。何所得贈。若使字
值千金。郎君腹中。不下數百萬。皆老人奩資矣。必
無虐吾女。大父瞿狀曰。翁言有爲。謹識記。亡何。外
祖父母相繼歿。贈君與孺人手自含歛。如景山公
所自嘆云。噫。前此直貧耳。貧固恒事。後此則不肖
采咽不成聲也。我顧大母性嚴急。孺人百方將順。
乃不獲其懽心。時叔氏主家政。內事一歸於孺。

人若罔聞。豈曰罔聞。免辱足矣。母家且嗣絕。贈君
純孝。輒戒婦言。擾人則益開口。不得孺人。卽怨慕。
且何從號泣。垂老語不肖。采曩微爾祖。念前言微
爾。孺人親睦。我死何待四十。嗟夫。我母以四
十歲生。采不待四十。於何有采。則采今日。皆我母
忍死之年也。然是時。孺人惟將順。愉色婉容。召無
諾。使令必趨。怒則下氣。終歲月無間。於是閭中羣
稱爲孝婦。徐聞之。顧族顧大族。指百計交稱孺人。
則顧大母性稍移。臨歿呼孺人云。新婦孝順。我悉

知。當有後報。孺人聞言。慟絕。嗣後語及大母。輒涕
泣。及就養。臨川席未安。隨問左右。木主安在。則詣
主前。嗚嗚泣云。念我母子。魂魄當來。言已復泣。采
詢之。始知卽左右。亦不解何爲。凡此猶古人間有
所難者。大母卒。叔氏移居北宅。旣分居。畝稅所入。
則歸北南食口。且二十輩。皆仰給孺人。北所給日
斗米。斗米外。諸凡凌雜。一不問。宅後隙地五六畝。
孺人督園丁二人。藝蔬。有二婢。則窮夜紡織。斗米
早給。或早膳。午給。則午乃膳。午不得給。午且枵腹。

噫我家蓋歷年不早膳也。贈君又好客。客至呼酒。他家以脫簪珥爲美談。我母則何所得脫。坐窘爾。繇是得心氣病。一歲嘗三四。伯兄敏生向贈君諫。極陳憂煩。曰我家不貧。奈何自苦。贈君輒恚。以爲孺子敢亂王父命。敏生則云。夫婦卽不比父子。奈何因兄弟死。累我母兒。願自爨以養母。贈君則呼天致恨。敏生急謂孺人。兒術窮。父嚴難再請。願母自爲計。孺人撫伯兄云。兒母言而父重父命。嘗一再引維家之誠矣。且死守兒好爲之。故終贈君。

之世孺人未嘗自訴。請分析云。庚戌伯兄敏生。父母嫂氏年二十。矢志柏舟。立奇節。孺人心敬之。時爲家庭幸。嫂氏旣失所。未免悲鬱。事孺人卽不能如孺人事大母。孺人每私謂婦人不偏至。不能立節。我愛護其重。且大語言碎小。何較嗟夫。孺人爲婦則順。乃爲人嫂。爲人姑。一下以順。昔之人未前聞也。或者才不足。則柔。乃孺人明察。聆音辨色。家中大小尊卑。咸有分數。當敏生卒時。贈君日涕泣。幾喪明。采鈍劣。不見可於贈君。孺人以乘幼子。

於子女中獨鍾愛。寢處懷中。伸手作枕。爲述古史。興亡得喪。忠孝廉節。大槩采每流連詰問。數歲時。孺人卽極贊賞。時乃語贈君亡兒氣弱。似其舅。每憂無年。今正不足多憶。小者英慧。公且教兒。當得速成。贈君謂奈何。欲我與田兒講書本。孺人謂卽不教兒。又奈何。其試可。贈君則云。然命兩題。頃刻就。孺人手執采稿。立贈君側。良久。徐云。未知紙上云何。兒乃遂了事。贈君又不卽注視。孺人復立側。良久。則嗚嗚而泣。曰。爲張家婦。辛苦平生。所恃惟

此一兒。公又不教兒。噫。死矣。贈君乃接視。視未竟。急呼孺人曰。芝蘭在室。乃爲汝先識兒千里一息也。於是闢書室爲課采計。旣贈君卒。叔氏分其業。孺人訓采。而父一生父命。今日乃終事兒體。而父意。因向叔氏云。亡兒孤寡。可念。以此累叔。若次者。能自立。無用以我母子介介。聞者絕嘆爲賢。戊辰。不肖采倖第。捷騎至。孺人曰。老婦何以得此報。曩者我姑許我矣。立呼秦氏訓曰。若母改布服。我與若仍菜羹。臧獲不許增一指。此輩徒耗我米。且將

知長堂集
耗我一生所積。采歸時。四壁蕭然。皆我母所况也。之臨川。時時念百姓。卽一蔬一腐。必窮審價值。曰。萬母以口腹虐民。采公座未退。漏下二鼓。孺人不先寢。嗟夫人皆有父母。獨采者少時讀書蕭寺。則夜分贈君。猶伴讀。采力諫。則曰。古人所謂樂此不疲。及居官而母復倚門。念此能無腸斷。采退。則問政事所爲。采語一二。孺人多爲剖決。中情理。猶記寒天。采與我母同被臥。蓋所云寢處懷中。伸手作枕。在臨上時。我母以慈愛。猶未改。夜半問采獄中。

囚幾何。采茫無以應。孺人愠甚。推置一邊。曰。此何等事。乃不經意。倘寃值遺忘。害全家矣。卽不寃。其可忽忽。孺人則出銀錢買草鞋及鞞。或買米麥。常施給諸囚。爲德。聞錄囚。輒問有所出否。有則喜動顏色。否卽默不應。數見徵比。蹙額云。曷少緩。采應以法嚴。孺人云。我見爾叔破產。半繇徵比。頻急。每以怨官府。今乃兒自爲之。願必無苛橫。一日采聽事。有倚徙臺前者。叱不去。采疑奸民爲人耳目。且犯堂禁。則榜示。初欲卽釋。旣放衙。且黃昏。爲語孺。

人孺人佛狀曰。人呼爾父母。子近父母側。乃得榜。我不願居臨川。坐見作孽矣。采急釋其人。且告以孺人意。孺人聞之。則曰。此又非體。奈何使人知我。與外事故。采歸之日。臨民傾邑而哭。實哭我母爾。狀采歸。良決於孺人。既歸。膝下歡甚。謂可奉晨夕。而孺人卽棄采。棄之前一日。猶能坐起飲食。忽謂采。我當以明日去。采怪之。則曰。昨夢而父召我。卒時。孫男女盈前。孺人曰。死足矣。了無縈繫。獨抱采泣曰。我母子何常一刻離。今乃長別。所不忍者。恐

我歿兒傷性耳。復指嬖姜。孺人曰。善視姜母。吾白頭姊妹也。言已而絕。蓋辛未七月十一日辰時也。嗚呼。雖享年七十有五。而得開笑口。蓋丁卯來首尾。不滿四歲。痛哉。子姓詳具贈君傳。狀孺人有兩子。卽一婦以節著。有兩女。卽一女以烈著。孺人之風教於茲表矣。方我姊殉烈時。積日不食。左右皆勸慰。孺人獨涕洟不一語。惟云命矣夫。則復連云而已。嘉賓與我爲仇。孺人撫其女嫁之。如女孺人卒。女哭之如母。方在臨上時。叔氏見海公訃。至孺

人哭盡哀。既與諸孫女稱說。必極言叔氏仁厚。哭
不已。歸復哭其位。呼我積兄弟云。爾有片瓦尺壤。
皆乃翁賜也。嗚呼。則孺人可謂至德也已矣。采不
肖無能狀孺人。又措詞卽復迷亂。夫亦爲孺子啼
耳。哀聚成痛。不知所云。

先兄敏生公狀畧

公諱士魯。字敏生。先考贈君第二子。爲采仲兄。兄
生時。贈君年二十有四。長子乳名瑞。大父海山公。
鍾愛四歲。殤。大父忽忽不樂。兄方踰期。日言笑大
父側。老人意移。愛有加。兄年五六歲。我母太孺人
病危。凡四閱月。房中無女婢。呼水漿不應。兄笑。笑
伴床頭。有需輒告。大父立得。我母因敗娠胎。未盡
去。患寒熱。庸醫用外感制方。遂劇。百餘日。胎乃大
潰。下且死。越時而甦。此於法同產蓐。胎潰盡。故亡

恙數日後但憊不起。大父信庸醫，猶日供純粥一
二盞。我母害饑，謹婦道不語。兄察母色，心動。侍
大父飯，大父愛兄，每食肉，恣兄啖，乃喜。兄故作啖
狀，置肉碗底，覆以飯，則携而入。大父問當食何往。
荅看阿母入，則奉飯上。太孺人畢，乃起。太孺人切
戒不聽。既五六日，入躓碗破而啼。大父亟抱持，云
教兒勿當食，往今得無傷。兄哭述飯母故，大父駭
云：爲病不耐飯，豈靳此。兄哭述母故，健飯。大父乃
勅家人具飯，且誇客云：我家雛孫便能事母，遠長。

受學贈君。贈君穎捷，讀書一過上口，三過可不忘。
兄質遲，時得訶讓，然讀經史必切理，屬事務極解。
說所解，復疊疊則贈君，又深相許。贈君設教集講，
兄質疑，後每令轉授他徒。二十三歲補太倉州儒
學弟子員，性峻，不輕通一人。有友四五，立文會，會
日晨興，蕭衣冠出告，反面行，隨一僕，無忤視，無側
聽。步必正方，常日闔戶，人罕得見。其面前娶曾氏，
嫂數月而歿，繼娶楊氏，嫂叔氏遷北宅，日給我斗
米，累太孺人殊苦。兄向贈君訴，輒叱退，則泣而前。

願躬夔以養母。贈君執大父遺言。益拊心而泣。且索杖語備贈。君狀中采。外父秦翁家素封。無子。庶出一女。許采。厭於適。一日秦翁來。會贈君。他出。獨語。兄子年老。將瓜分。不如變田宅。貯卿父子所宜否。如何。兄正色云。翁語卑且暗。何不亟定嗣。傳世。世卽爲我家計。絕產不發人。決不可受。翁良久大慟曰。我汗血立家業。乃稱絕產。噫。休矣。拂衣去。旣定嗣。集三黨分授。翁擬授女所居宅。兄執謂授嗣子。正翁不從。兄云。劣弟奇慧。脫出身牛廬。苟亦非。

豎旌竿處。翁母多惑。秦翁復哭而止。兄居處嚴整。見太孺人。則無容得外家熟食。輒貯小盂。携太孺人紡織處。手進嚮匕。太孺人笑謂汝。猶作五六歲懷飯時狀耶。采小于兄十六年。幼時跳蕩。輒加夏楚。故畏兄。過于師。過于贈君。戊申。采年已十三。兄病三日。瘡病間。卽索文課。每語我母。兒鈍不能當大人意。弟實慧百倍。見大人。又不督率。兄今苦病。奈何。已酉冬。瘡已銳。欲課采。定來年授業。除夕。兄無端語贈君。兒病不克了大人事。弟漸長。且英物。

卽兒事亦弟事。贈君聞之愕不應。時采恹恹。豈知
斯言。迺當受記。改歲庚戌正月。兄偶寒疾。家中舉
不介意。次日將午。忽呼我母甚亟。趨視則手挽我
母云。兒寒透骨。阿母煖我。太孺人上床抱持。復呼
阿母解衣。兒得一擁。阿母乳我。我母方解衣。又亟呼
贈君。阿爺幸一解衣。撫兒足。贈君亟持足置前胸。
纔貼肉。目瞑。兄平時于夫婦稱篤。臨終獨呼父母。
死。父母手天性夫三子。長于積。次于期。遺腹于允。
州學生次二子。皆采娶妻。依采兄生。萬曆庚辰七

月某日卒于萬曆庚戌正月某日。得年三十有五。
書生無年。故罕顯行。獨能識采頑稚中。歿後四年。
友人過門。猶失聲。其交遊有如此。兄死。楊氏嫂方
二十三歲。茹荼守娶一婦。嫁一女。四十而卒。祁御
史巡方。旌門曰貞心匪石。

知畏堂文存卷九

祭孝烈墓文

有引

太倉南郭張鳳采著

陸孝子安。父德甫。好客。客至必館穀。有客坐事。連德甫。洪武初法嚴。有司按德甫棄市。安辭兄抵京。大書代父典刑字於布袍。伏闕哀請。許之。臨刑。從容就刃。觀者泣下。時年二十一。癸酉九月。已卯也。方孝子出門。妻鍾氏。僅婚旬日。呼與訣。我死自分。汝年少。其改從。行時。可以一麥飯。

致墓頭。鍾曰：君且行，我有以處。旣德甫收安骨歸，鍾發哀入寢室，自經死。墓在崑城薦嚴寺南。墓周有屋地，崇禎十六年，族人私賣他姓。諸子永明出金贖還，爲正阡陌，立坊表。四月七日，約同人祭告，屬采序辭云：孝烈者，陸孝子鍾烈婦。合以題墓之稱也。

嗚呼孝子。厥事普天，希有厥心。孩提與知，維子死而父乃生。則父生而子不死，勿曰斷脰，斯爲全歸。勿曰麗辟，斯爲繼志。嗚呼孺人，孝子知父，不知有

妻孺人死，夫實殉。夫死，父孝，故自烈。烈亦成孝，省則倫常，昧則禽獸。肅拜遺風，麥飯以侑。

祭宋華之文

崇禎丁丑之春。華之兄訃至吳。吳人爲罷市。舊部
年盟弟張采設位而哭。一號欲絕。擬貽書地下。伸
此鬱陶。而積病在身。相從可待。日月易逝。歷夏徂
秋。迨冬十月。始克摘辭。嗟夫。峴山之碑。能無墜淚。
西州之路。不禁酸心。用是臨江酌水。望北遙呼。冀
表往誠。以舒隱痛。嗚呼。哀哉。卓學華之。挺生昌陽。
紹厥父兄。不吐而剛。懷仁杖義。萬頃汪江。爲世珠
玉。亦作稻梁。嗟予散材。千里瞻慕。歲次戊辰。燕都

言晤。翱翔上京。規模天步。責我蠢蠢。教之儀度。責我踽踽。教之周顧。及蒞我土。爰厲冰心。午衙放罷。惟聞素琴。我修子禮。拜兄尊人。兄將素縑。贈我慈親。我往臨水。兩地遐音。迨我病歸。兄在大棘。踰年來吳。訪我郊側。良晨鳥聲。閔庭溪色。我猶有母。兄縑尚墨。豈知此別。同悲罔極。俄傳兄病。聞言則驚。日望良書。乃如斷萃。君家澄嵐。我亦同盟。時依翰墨。少散懷情。詎云此病。遂絕見期。吁嗟華之。先我如斯。音容可索。夢寐可知。人鬼曷判。惟心不欺。讀

兄高文。山清水流。挹兄風格。日出層樓。笑言如昨。神理何求。雲寒碧澗。秋月凝愁。吁嗟華之。我嘗三省。彭殤齊致。真同幻影。山川阻長。所恃耿耿。生也久要。幽盟不冷。惟神有知。聞言自永。嗚呼哀哉。

祭宋五河文

崇禎十一年戊寅正月日弟張采勺婁江之水。遙
呼五河兄而哭曰。嗚呼。五河先我死。耶。同人中。惟
采如草木瓦缶。庶幾可死。乃十年幾死。凡三。而卒
不死。復摧肌裂心。以哭我五河。生死之際。豈不幻
耶。憶與兄通姓名。定氣類者。在甲子之冬。與兄接
手。論心。矢久要者。在戊辰之春。于時連床夜話。談
文課行。兄家叔姪。無不引我青雲。孔懷罔二。迨南
宮同售。見采行跡。踴躍不諧。人伍則私加規切。見

采一言合道一事適宜則流連獎飾兄弟之情可
篤今古季夏兄先假歸賦別蕭寺兄雅喜我操吳
音此日酒半發歌兄高聲起舞臨岐登路嗚咽踰
時嗟夫別來我數年不作吳音矣今日遂爲山陽
笛黃公酒壚耶自弟令臨川兄隨令祥符祥符古
大梁地庶務猥雜兄擲比鱗次治絕天下嘗貽書
勉我謂何苦純啖蔬菜而兄則戴星出入至蔬菜
不皇啖人之愛友乃過于身思之號痛未幾弟以
病解任外傳爲死兄徬徨百端閉門涕泣後貽書

云受先固無死理兄今竟死抑又何耶丙子兄補
令金壇我爲隣部民兄便道訪我蕭齋適春雨淒
清賓從斷絕兩人相對直如一家我見兄食少聞
奈何不似長安健飯時兄云江南漕事狼狽民苦
耗贈爲此廢兩月寢食茲事竣我神已不追矣時
江南惟金壇費省而逸輸漕諸邑望之歌慕豈知
皆兄致瘁之因耶弟初夏入茅山從金壇城門過
馳信慰兄恐以猪肝累安邑且兄方鋤奸斥弊雅
不欲山人溷時政并約母通問而弟入山病發復

死兄信使絡繹。又恐我酬荅煩損。直從仲馭所
吾病耗。既歸。貽書詢慰。手筆猶在。匣忍復瞻視。
耶。自人言發難。以弟爲几上肉。弟視之。則如輕雲
來去。而兄憂我禍。乃甚于病。既兄入。覲爲銓曹。
選人弟。雖煙霞成癖。亦日望兄翱翔天路。坐致太
平。使山人得悠優卒歲。而凶問至矣。痛哉。然弟之
縷縷。猶以其私。至如及門。半天下文章授受。方有
條委。則何可死。嚴好惡。辨邪正。將身任綱維。則何
可死。十年勞吏。豪末未售。一代宗儒。邂逅不竟。則
何可死。即使素不相習。聞名徵事。猶應憑弔。戲耳。
况于心期天日者乎。吁。嗟。五河勿復言矣。彭殤一
致。茅山數言。我已同遺記。豈知遺記之人。反哭受
遺者。然理固如斯。百年之後。我與爾。又誰爲生存。
死沒耶。靈如有知。未審爲哭爲笑。但我幻身未滅。
每一念至。不禁酸痛。臨書哽塞。知復何云。

祭張天如文

盟弟張采以山居五簋瀝酒呼天如之靈而哭曰
嗚呼自初八日昧爽以來兄則已矣後死者結慘
刺心苦境凡五一長號一淚自流一語次悲哽一
如疑一如忘噫酷矣憶弟友兄始庚申歲既癸亥
延我七錄齋逮丁卯凡五年中兄每辰出夜分或
過子刻入兩人形影相依聲息相接樂善規過互
推畏友時設疑難必爾我暢懷歸於大理金母從
窻戶窺聽每稱二子不但勤學乃從未見惰容嬉

色嗟夫。兩人而同乳。亦可不媿友于也。兄恒對門。人欲取我。辨析語。卽次成錄。今竟不克就。耶。丁卯。我第三女許兄所撫子。稱姻家。臘月北。上兄送滄。墅弟泣托老母。兄泣應。戊辰四月。兄貢來京師。兩人卽如聚首。七錄齋於時。兄名在天下。賢公卿。幾得望見。乃兩人踽踽策款段。不顧。未幾。先後歸。冬十一月。弟將老母之臨川。兄送我武林蕭寺。臨歧一慟。左右掩涕。嗟夫。此如叩叩。岨虛難可刻。離臨川不在天上。作此酸塞。繇今言將奈何。耶。臨上時。

第三女殤。弟哭幾絕。非哭女。哭我許兄家一念爾。庚午。弟病歸舟。至犇牛。得兄鄉捷信。喜告我母。及歸。則王嫂復撫姪女。許臨兒再稱姻家。噫。兩家交不繫姻。然成姻亦自密也。辛未。兄成進士。選庶吉士。弟送金母之北。拜河下。自謂猶子。我母隨棄養。兄疏文。遠哭亦猶哭母也。壬申。冬。兄得假歸。乃弟遂善病。多息影茅山。猶記丙子。夏。弟在茅山。且死。哭床頭。弟無少沾戀。中心謂山妻固貧家婦。足自了。兩兒是天如事。亦無弗了。豈知遺。

記之人。今日反受遺耶。嗚呼。天如賦性忠義。志篤孝友。其孜孜善類。護持正人。與引迪後進。幾於饑。不及餐。同生兄弟十人。參差不一。爲之嫁女娶婦。無間。頻復死之日。內外一口。無不失聲。行自痛耳。方子丑間。兩人如几。上肉弋人。眈視外傳。緹騎且至。一日。數驚繇。今言使兩人。三木北寺獄。如飴矣。六七年來。弟病不及城市。兄性微少精詳。左右害我。戇兄命駕南郭。則百方沮。一月不過一二。至至則談平生。考古今。亦何減七錄齋時。乃前旬有七。

日兄遠歸。薄暮抵我。儉齋酒行甚歡。弟見兄志在擔荷。因語關漢壽廟落成。擬構旁隙地。數楹爲潛息計。兄抱僕被。兩人寒窻擁爐。仍修舊日靜業。兄唯唯。弟又云。靜不得力。動決是錯。兄復唯唯。豈知別卽稱病至此極耶。嗟夫。兄出門友天下。而跡絕南郭。豈非天平已矣。維茲兩月。遺腹則嗣不輕立。嗣未立。則諸兄弟無執喪禮。故喪不克治。遠方來弔。或哭諸門。哭諸位。情乎禮也。朕則兄目遂瞑乎。老母弱室。將復誰視。移采茅山病中心事。采一日。

不死何弗了也。金母制哀采供子職。王嫂節踊天。必祐善遺腹得男。方嘗母苦。嗚呼天如其且。瞑耶。念兄一生書癖。手口不離。今亟搜遺文。詮彙成集。兄經史行世者已遍。海內外惟春秋三書爲著作。大維將完十之七八。竊擬依類。竣斯巨功。其他名義浩煩。非力可任。則計楮數冊。嚴諸笥。俾待爾後。人我將手授行記。兄平生請諸鉅公。以備金石。則俟孤生之日。兼詳名系。兩人固不知生產。茲田廬置畱。不足煩絮。維弟病伏城南。呼應遙隔。當別卜。

居以安孤寡。則未知後死者短長何如。但二十年來交道所可期信如此而已。嗚呼兄死。係治亂使不得見治平。則爲國家哭。人師經師已矣。爲子弟哭。述作遺後人。遲且徐竟。則爲萬世哭。凡此人當盡云然。今所哀哀。適自陳其私。嗚呼天如其有知乎。何忍聽茲。嗚呼天如有知。當復唯唯也。

知長堂集
三
丁卯一見。謬當兄可。時走俗狀。未遂懽洽。迨采臨
上罷歸。始勤過從。披欵曲。采卽善病。不任客。每求
友聲。輒扁舟西發。至則止。我弱志齋。西室旣闢。丙
園或止。丙園旁舍。無不流連。日夜忘誰主客。卽僮
僕亦不分誰主客也。兄懷我間來。婁又念我貧。不
足蔬具。多信宿去。朕兄嘗語我。兩人相訪。直如歸
家。斯言不在我耳耶。兩人歡聚時。或讀書。一坐丹
黃。則一倚几。和作字。一振毫落紙。則一摹墨談古
史。采不能徵地。徵名則兄比類連引。他如良辰令

節風日清美。予病少間。兄拆柬方東。已報聲剝啄。
如此良朋。一旦云盡。天乎痛矣。猶記甲戌夏。同天
如停弱志齋者一月。余時脾疾且劇。猶左右兩兄。
證今道古。謂友生極樂。乃兩兄相繼沒。而反存病
廢之子。使其朝思夕思。將復何賴。兄旣篤交。余丙
子因爲婁兒求姻。兄以長公孫女許。繇是兩家且
稱姻婭。方圖屬戚。正人婁兒因茲式穀。誰謂兄中
道棄也。嗚呼。兄處物無忤。寬身自好。獨于弟一言
出入。一事參差。意見偶殊。必反復規切。期于大中。

謂采能受盡言。可開誠語。今采則于何聞過耶。兄
精史學通鑑及綱目。略皆上口。所較二十一史。垂
竟約今年謝絕公車。專事著述。以藏名山。弟因作
招隱詩。贊之。決而溘焉。長逝。意不得申。此之所傷。
更在來襖。嗟夫。兄死。三黨舉失聲。隣里相咨。噫。士
大夫向隅行者。路嘆遠方。聞訃。速駕臨哭。天卽昧
昧。公道在人。誰謂祝予之痛。采自悲其私耶。茲仍
蔬具土奠。兄生時。且念我貧。當不怪爲儉。嗚呼。靈
如有知。與天如朝夕。泉下應不寂寂。獨知已。已。已。

昧。兄弟心焉如割。輒相對長號。身其粲其悲。靈應不

祭張伯母金太君文

嗚呼。謂葬我西銘。得悠優事太母。爲西銘。供子職。
天復速奪太母。使不得撫嗣子孤女。有成嚴霜再
摧。門戶何賴。嗚呼。酷矣。憶太母初移西郊。豈曰相
宅。凡一楹。一几。翳母拮据。旣西銘冠婚。交天下賢
豪。唯母主內。使小大亡失節。癸亥。采讀書七錄。齋
母時。我饑飽。卽寒夜漏深。嘗聞幾問。六七年。視我
固猶子。戊辰。采成進士。歸適太母五十生日。采再
拜介壽。爲加燕喜。辛未。西銘成進士。留官京師。采

送母北就養。時予母蘇太孺人病不任行。母床頭繾綣別采與西銘兄弟。卽予母與太母不啻姊妹也。壬申太母北歸。見采病憂形辭色。語西銘。遂無好醫。使此子久廢。迺幸已。采方勝步履。而西銘遽逝。母哭不欲生。采百方喻。謂采在猶子。可服勤萬一。太母則稍進。一溢自是。采以十年杜門。匍匐卒瘞。凡欲安母以慰西銘。及遺腹舉女。母呼天云。死采勸無庸。天可不絕。因贊母按宗法立嗣。嗣立。贊母擇高原葬我西銘。豈期葬有日。母卽病。

旣克葬。母病遂不起也。母素亡恙。特以憂憤乘此劇哀。遂疽發於背。距西銘歿僅二十餘月。此二十餘月中。內支荒歲。外禦飄毀。日母在。同人念西銘。登堂問安。否亦惟曰母在已矣。今不復忍言矣。易簣前一日。猶向采絮語家事。感慨榮落。連問采爾列啓事。倘出門。我家奈何。采應謂我不出。母無多慮。嗚呼。知母耿耿不去心者。一家孤寡耳。今采哭告太母。誠無他辭。第記辛未。西銘祭我母蘇太孺人。其文有云。凡予出入大禮。內外凌雜。受先無不。

聞予母吉祥善事朝夕饗殮受先無不親西銘文
布海內固兩人七錄齋中所心期倘死生改念卽
負販羞稱况乎自好維茲離離孤寡竭我力以相
爾成其成則太母與西銘之靈皇天后土實聞此
言

知畏堂文存卷十

約同盟啟

太倉南郭張采著

其啟衙役之害。明明滿邑。僉云依附鄉紳。增其氣
勢。夫鄉紳則惟吾黨數人。吾黨束身自好。避惡如
刺。胡爲殃繇彼積厲。曰我階且無辜之告。上帝實
聞。不活之孽。前人可鑒。愛人則仁。人惻惻自愛。亦
智者瞿瞿。計惟合辭。嚴誓質迺。明神如繫。廝養母
得。廁跡在官。凡屬在官。母得肩稱。廝養務期涇渭

亟分是非。互舉用先布狀。告我同人。如謂可從。列諱簡左。倘虎狼仍橫。則過有攸歸。庶鷄犬獲寧。卽德從茲樹。爰定某日。齋戒集廟。白日青天。考鐘伐鼓。下流是惡。共立川防。黠鼠可憎。罔容社穴。某謹啟。

婁東同善會引

人性皆善。可無立說。自性學不明。於是分先天後天。先天者於誠。後天者於明。誠者因心見事。明者卽事生心。要之善惟一原。何容先後。故四海之遠。聖人或出心同理同。斷斷如也。前賢約立茲會。所謂卽事生心者。今夫爲不善者。陷溺使朕。固可哀憫。其不爲善者。有二病。一自謂非其時。一自謂無其力。夫百年駒隙。夜氣固存。豈有需待。出其言善。千里應之。豈有疑難。卽今約略規條。正如掘地引

水先儒謂成得一分已。方成得一分物。此際工夫難到。且同舉斯會。孳孳不已。則成得一分物。庶幾成得一分已。但隨時隨力。使心無不盡。蓋心統性情。乃心既盡。則人無貧富。數無多寡。卽毫釐莫辦。意言萌觸。并節孝孤涼。當時消受一輩。總是平旦鷄鳴。不啻胞與。譬諸一室之中。啼饑於旁。刺肥獨飽。號寒於側。被裘獨溫。彼則靦顏。何殊鳥獸。抑知卽我不經。便成兩益。卽或移我必需。當無大損。苟肯推心。卽全善事。采見友人舉於魏塘。則心動。繼舉鹿城。心益動。雖兩年瀕死。而此念不退。病中分欸立例。登板布告。茲得倖生。擬尅日連會。乃諸君子先自彙集。反以相招。則知善本各足。不謀自應。心同理同。卽斯其兆。推諸鄉邑。當有翕感者矣。

所舊止也。或曰：像襲戎服，請易諸應。曰：帝號未加，像故無旒冕者。今廟因像建，而先議毀像，且旒冕國容也。從文戎服，軍容也。從武神允文，允武靈爽則洋洋曷繫像。或曰：祝廟以僧將弗類。應曰：殿西立精舍，錯禪寮，秦僧朴畧不識字，以托禪祀神所歆也。奚其類。于是同里諸子分任襄事，鳩材敦匠，成其不日矣。因再疏以勸。

周景韓演論

河南太守周景每至歲時，延請舉吏入上後堂宴會數四，乃遣贈送什物充備。既而選其父兄弟事相優厚。先是韓演在河內舉吏，當行一辭而已。恩亦不及其家。當時論者議此兩人，嗟夫周景小人也。舉吏重典，當則太守任賢，不當則太守任不肖。惟賢是視，于其人何親焉。古人舉仇舉子，非不知仇與子也。所忘者私所知者國也。漢取士，天子詔曰：徵五府，曰辟。次則郡椽史及歲所上賢良方。

正孝弟力田用是起家高則望宰相下則希守牧
是豈一家事而景煦煦市恩不聞義行原其苞苴
小惠下累民間朋比流連迭期酬報寧有毫末爲
公者是故君子不私于人亦不受人私就東漢近
事論趙咨爲敦煌太守舉曹暉孝廉後咨拜東海
相道經滎陽暉爲令迎路謁候咨不爲留若咨者
豈肯私其所舉河南尹梁不疑舉張陵孝廉及陵
官尙書劾奏梁冀不疑有言陵曰明府悞見擢序
今申公憲以報私恩若陵者豈肯受私于舉者乎
故梁冀吏宜乎相尋緣染定知所舉僉媢阿下士
無能卓犖者矣若夫韓演者志在無私故直行一
意詩云靖共爾位正直是與庶幾有焉獨怪論者
並議二人謂演拙乎拙則皇恤謂演薄乎待以無
私是爲至厚抑周景韓演之間別有世法乎則吾
不知之矣時重名節而習俗猶然嗟夫

朱穆論

或問朱公叔何如人。曰有德人也。或曰公叔黜諛
奄嫉面朋于三德高明矣。及著論崇厚。又何恂恂
敦篤也。然則其德何名。曰陽德哉。或曰厚者地道
高明者天道。天道陽。地道陰。概曰陽德。有說乎。曰
天下濟。地承天。故陰不疑陽。陽之用爲剛。于人爲
君子。陰之用爲柔。于人爲小人。然可言君子之陽
剛得天氣。不可言小人之陰柔得地氣。故曰博厚
則高明。今稽公叔之行事。黜諛奄則剖棺。嫉面朋

則絕交。夫見逼上而不仇，爲薄于君。遭阿黨而弗遠，爲薄于友。公叔之于君臣朋友，斷斷有如此者。曰陽德奚疑。要若公叔者，誠非中行矣。中行則不名一德。東漢名節之士，故盡然。

王氏先像手澤記

前人可爲子孫法。後人思法其祖宗。是之謂慈孝。文王之詩曰：詒厥孫謀，以燕翼子。又曰：母念爾祖，聿修厥德。言克啟克承，則永祚以迓祉也。予交王氏昆仲私淑，止菴先生曩許與游，題先生祥刑手澤。茲平仲長君孚以習丹青技，用短絹追摹其祖小像，攤書坐松樹下方。先生將卒，占偈一首作徑寸行書。又先生嘗日引蘇長公語著日用儉緣凡四條手書小楷箋識。孚乃取二書綴像後，連一卷。

題曰遺像手澤記曰。人道親親。親親故尊祖。然則不知尊祖。是忘其親。人道從而亡。乎於祖。生不及侍。而承事。惟勅親親之道。殆其性歟。仰止肅拜。因側席告乎。今之奉是卷也。則如之何。曰。展像母苟慮。母苟動。如或見之。如受語。然莊敬之心。日嚴。則事親以順。室家以宜。下不失童僕。而外不侮鰥寡。於此之爲教本。誰曰不能乎。曰。諾。曰。讀偈。悽然以悲。悲音聲愉愉。而氣體何往。則復惕然。以覺。覺人生必有死。惟畏死。則凡可以避死者。無不爲先生。

來曰。偶然去曰。脩然。可知偶然者。全生。脩然者。全歸。若夫曾子戰兢。易簣。先生山雲拂袖。可知有得。故無累行。實故觀空。理原一致。乎曰。諾。曰。讀儉約。盍思儉義多端。飲食其一。養財又節飲食之一。孝經謹身節用。以勗庶人。先生鄉大夫而退食。自省者。門戶以庶人爲恒。貴能賤。富能貧。斯可久。又惟儉濟廉。不奪人。因不失已。廣長公說。并曰。養德。况今昔事殊。粒食維艱。簋豆不易。古人以過分爲器小。縱欲爲福薄。可不十思乎。曰。諾。謹聞命。予廼掩。

卷而嘆曰。先生纂述三訓。士女尸祝。况其孫子。然
作室能必堂構。菑能必播穫。苟侮昔聞。知卽世緒
斯墜。故中才之子。惟視舊蹟。是保用守。厥成夫舊
蹟。則何有精粗大小。意趣所萌。乃介興替。况其威
儀儼恪。有典有則者。定知王氏瓜瓞。是卷微而顯
也。因次記以質平仲。其一。卷微而顯。其一。卷微而顯。

遊鄧蔚山記

為吳人四十三歲。性鄙而好獨。吳勝地未嘗一寓
展聞鄧蔚梅花幾萬株。花開時十餘里盡白。心動
丁丑冬約與游王子。初春同訪。期正月七日行。與
游辭早。余恐遲。此則家園梅。放意不得。該遂定期。
孟宏許子竊知約。與同。余念新正人事多。或與游
皖山水可得爾。余本閒人。入山是分事。天壤乃復
有許子。益心喜。開正初五。適風雨。初六而甚。初七
早起占望。勢不止。然作意久。謂風雨不足礙人。乃

理棹所乘舟如席大。隨流西發。踞坐艤板。漸清冽。聞蓬窻浙浙聲。知下微霰。以爲探梅乃復得霰。天公厚我少焉。霰遂不成。已抵崑山。登岸呼與游。時與游久望予。有疑予阻風雨者。與游劇不謂然。余至極歡笑。適平仲招與游飲。知予至。并招予。遂同步過平仲賓孺堂。薄醉漏下。別宿與游弱志齋之西偏。初八清晨。聽鳥聲。意似欲晴。則與游已束裝。拉解維與游挈長君貞俞同行。天氣漸爽。舟復寬適。三人清對風利。下午達吳城。轉泊葑門。約孟宏

孟宏咄咄信人不置。然山行弗克。從以爲恠。事夜飲孟宏蕭閒堂。宿舟。初九日五鼓。舟行自葑溪。辰抵木瀆。進斜橋。數武水涸。與游舟不前。雨且注。則徒與游裝。并余小舟。乃得進。開右窻望靈巖山。山帶雨氣。濛叢如畫。岸多列蘆竿。舟行岸底。時受蘆蔽。靈岩在滅沒間。土人稱此處爲九里十三橋。予謂此何減桃花源。與游云。此去過善橋十餘里。卽鄧蔚山前。此風物踈古。織衣耕食。直似避秦處。自溇陽董氏卜葬地。得厚貲。人遂知謀利。旣日就奢。

逸知公府。然向無盜賊。不閉夜戶。今剽竊時發。土著以次蕭條。可爲慨惜。時貞俞輒苦雨。予云。山中陰晴風雨。隨宜設境。卽雨何必不佳。語次至善橋。俄天高雲散。雨亦旋收。緣河入光福市。市口水甚洄。小舟亦艱度。三人同小奚俱上岸。舟得輕舉。乃踏屐過光福市中。此與游熟游地。通街小巷。指顧了了。予笑呼爲山精。折而登舟。卽小飲。至虎山橋。橋左龜山。右虎山。水門五。上砌石欄。與游云。此眺月勝境。過橋卽太湖。時初霽。湖天一碧。光色無際。

三人殊酣。浹前至一阜。脩廣約數頃地。四周列松栢。中立層閣。與游云。此董氏所築。浮玉山築時。以形家兆。然固添湖中。一致舟子問所從。時舟行浮玉山前。與游疑之。叱令向後。與游疑不定。見左岸烟樹中有瓦屋。角近岸。滿灘蘆蒿。舟不得泊。則遙聲問。俄瓦屋有白衣人出應。因得路。乃復行。浮玉山前。因知前固不悞。予笑語與游。今不得復呼山精矣。又二三里至船坊浜。擬過曙塢。宿聞脩先生墓舍。三人旣登岸。予不知路遠近。護病乃坐兜子。

與游父子先後行。不半里。憇司徒廟。廟門峙古栢。
二疑宋元時所植。孤森蕭栗。增人謾謾。徘徊間。將
入夜。乃復行二里許。至曙塲。謁聞脩墓。與游呼墓
丁。開門入。歷饗堂。得南偏屋三楹。中題曰非齋。爲
子柔先生筆。齋後小樓。亦三楹。推窗四望。山巒梅
影縱橫。微月中復小飲。與游父子宿非齋之東偏。
予宿西偏。初十早。小奚報天晴。晨炊後。同過斷澗。
歷梅竹間。造董墓。登朝玄閣。時三人逍遙山路。余
益忘身世。云此行如王子敬。雪舟何必見戴。與游

唯唯。然予枯寂久。每厭客使。山梅盡開。游人絡繹。
將如野麋翔鳥。高飛旁逸。以此倍有幽適。返非齋。
飯後各乘兜子。游玄墓。予不知玄墓在何處。乃復
歷董墓。又一里餘。小憇奉慈菴。菴僧供茶。復行三
里許。太湖浩渺在望。輿人云已至。則梵宮禪閣。轟
峙山半。始知玄墓以僧寺著。予每厭江山勝處。爲
此占踞。致游僧滿堂。男女煩溷。使結梅萬株。茅菴
一二。南臨太湖。北拱鄧蔚。天竺古賢。豈遂河漢。與
游引予憇四宜堂。堂爲徐氏書室。往聞脩讀書。其

中以鄧蔚山房名稿。余欣欲一觀。堂前古桂數本。蔭滿庭際。近徐氏捨入僧寺。寺僧俗甚。辭意不得。接因亟去。寺東新鑄大鐘。架樓上。隨與游往。既至。聞見殊不諧。出由禪房角。曲路登山。半覽大石。石大可一間屋。嵌空玲瓏。俗呼真假山。使米襄陽見。當下拜。予足疲。隨坐兜子。輿人不尋舊路。乃至放生池。僧供茶。輿人云。翻嶺卽曙塢。予復坐兜子。出沒松林中。步步鳥道。又寒風侵肌。且憊。既踰嶺而下。拜楊端孝先生墓。不半里返。非齋。登樓索酒。寒

乃定。十一日天大皎。早起步竹林下。聽泉聲久之。飯後呼兒子。余懲昨日風色。戴浩然巾。自衛。是日風靜氣和。頭復泔泔作熱。仍易角巾。至徐墓。登小樓。讀壁間長蘅題句。壁間句多感慨往事。今長蘅已往。復同與游。嘆惜行一里許。登茶山。茶山高不踰四丈。南則彈山。以下約數里。盡在望。北吞吐太湖。時漁舟點點。與游云。山因長蘅搜得。前此未著。山頂已鋤平。有石柱橫草間。似欲構亭者。亭成。可爲他年游助。半里許入顧家園。園中山茶二株。青

蔥蔽日。山茶下有細草。如石菖蒲。高尺許。方員二尺許。輿人揭衣坐其上。予恐爲所敗。搖手戒毋然。輿人笑云。此名坐堆草。種此正擬作座。約一里餘。至南山。山不甚高。輿人強予行。予復護病坐山下。石畔意不欲登。側聞嶺上聲。知與游。叫絕。不覺趨上。小奚扶掖。亦遂陟嶺。望太湖曠然開明。小倚松樹上。卽隨與游觀石壁。石壁如削。高二三十丈。旁有小菴。時從遊俱渴。呼僧索茶。寂無應者。擬煮水。潑茗芽。卒不得火。適舟人亦從遊。蘭得一石。取厨

刀連碎。但錚錚響。卽呼得火。與游父子盤桓綠梅下。予坐右寮之磨床。閉目少刻。報茶熟。啜茶出菴門。呼小奚置錢數文。灶上去。復踰山頂坐兜子。一里餘。至顧文康公墓。憇七十二峰閣。有李西涯題榜。憑檻看太湖。諸山乃在几席間。携蟠桃酒。各飲一二杯。坐移時。由潭東訪顧墓。與游云。顧吳洲先生卜地。搜別平壤。得石池石塲。因嘆山川顯晦。亦由人意。洗濯予亟欲見。問輿人。輿人引予至一山。尋級而上。至半山。得小菴。菴門封閉。坐石上。見松

樹中有僧五六輩相率下。至小菴邊。一僧立路旁。舉手揖。似別諸僧者。諸僧去。隨揖。余三人云。小菴無主僧。菴後劣得淨室。邀予輩往。然山路崎極。又在萬木中。因問石池石塲。云尚在前山。與人正是。俟引復坐兜子。隨僧約一里許。見淨室在脩竹間。余愴悅樂之。入門。窻榻清潔。雅有禪悅。僧號聞鍾。殊不似玄墓僧。又一僧朴甚。號明光。詢之。則知卽石壁菴中主僧。與語烹茶。狀僧噉噉。引過。予云。茲不值上人。晚歸將無疑。是仙啜茶。聞鐘設果餅。良

久別。則復出沒萬木中。由半山取徑。至非齋。已薄暮。小飲。月漸高。南步里許。坐路旁雙松下。與游云。長蘅婆娑。鄧蔚以古松爲友。每土人伐去一松。輒懊喪累日。反坐小樓。商歸棹。予云。好不欲盡。且護病。應存餘樂。與游云。少事亡兄。謹以浪遊棲墓舍。亦思返。遂擬十二日早移裝。還舟。至日晨炊後。各買山樹幾株。步至司徒廟。復俯仰古栢。卽下舟。解維。過浮玉山。往銅坑。銅坑去浮玉五里。與游以買橘樹。特往。至銅坑。復行里許。憇一小園。亦有山茶。

二皆禿幹似摧殘者與游深嘆惜買橋卽行過虎
山橋不復經光福市直循溪至善橋再由靈岩山
下過則晴光爽氣別有霞舉時索與人不得立岸
上望靈岩悒快別去至木瀆返與游舟中夜宿橫
塘十三早與游舟泊閶關以買蘭花父子經營踰
時予笑云山中閒課亦煩爾許忙與游又以買盆
貯蘭往虎丘予隨後行值天如舟天如亟往昌關
約晚晤予至虎丘問與游舟人則與游已入山予
躊躇二山門下而與游從竹樓來遙呼予三人復

同步干人石叩石佛菴菴爲予舊讀書處集準
閣開西窻紅綠二梅俱吐蕊吟咏且日落天如舟
亦抵河下因小飲天如舟中十四日東發至維亭
雨雨勢緊逆風助雨舟爲不流集與游舟中視岸
上淒淒似清明風雨時至崑已薄暮呼平仲集弱
志齋小飲漏下別平仲與游宿舟中一夜雨聲徹
耳平明聲絕舟人報風順早起梳洗已抵婁岸是
爲十五日兀坐草亭追理遊跡又似醒後憶夢因
次所成詩并紀行况

北誤應作南

縣令誤應作進士

唐墅周孝子廟碑

嘗熟北距三十里曰唐墅有周孝子廟。廟神故宋
 理宗時人。姓周諱容。相傳固唐墅人。平時事母孝。
 病且死。持母不忍絕。死越日。降其家。呼母曰。上帝
 監兒孝。勅為神。遂數著靈爽。見光恠。縣令趙必錡
 上其事。封曰靈惠侯。迄今四百餘年。里中旱澇。以
 祝祈報。由辟以祭。盟誓以質。生子藉神。姓僉呼周。
 歲時神生日。畢拜廟下。傳曰。明德維馨。以孝列祀。
 馨也大矣。儒者曰。孝不過虞舜。文王曾閔。侯何以

獨神曰。人者鬼神之交。理固無間。若虞舜文王。曾
 閔百世之師也。師立人道。以明治。在上。在下。于彼
 于此。百物之神也。神立神道。以幽治。人道治而民
 可使由。幽道治而不可使知。故曰。孝弟之至。通乎
 神明。將告廟下拜者。曰。神故。孝子爾有父母。曷念
 諸神。將視爾。告周名其子者。曰。呼爾子如神。聽然
 爾子。恩斯勤斯。父母固如斯。且不辱其身。不差其
 親。是之謂孝。則肅肅厥廟。胥顧弗敢。匪彝。悖淫以
 速戾。審如是。孝道四達。天下其平矣。吳地處處建

侯廟。嘗熟在祀典。而唐墅尤專。推本所生。以及其
 里人之事。孝子也。猶有親親之義。夫爰作樂神之
 歌。以侑祀。而鐫諸石。歌之辭曰。

神之來兮。猶猶歸。貊貊兮。天休。迂雲車兮。舒靄齊。
 吳榜兮。安流。奉明水兮。階下。窳鼎俎兮。大假。神陟
 降兮。旦明。人聲上兮。頌雅。雨暘若兮。良苗。于戈止
 兮。逍遙。驅豺狼兮。遠山之隈。迸厲鬼兮。疾疢消。膝
 前侍兮。甘旨。率妻孥兮。止喜。兄弟樂兮。孺耽。家人
 宜兮。集社。神四睇兮。相狎。歷畝丘兮。故鄉。父母托

知長生集
斯兮華胄神且受職兮均康此中人士今親只神
欲神監兮聞章

保硯齋銘

嘗熟之南郊有村落濱水而路隱戈氏考盤在焉
曰戈莊戈有隱君子汕懷道不仕徜徉其中表曰
莊樂傳地傳人其事逸其稱名也遠矣莊樂讀書
工古文詩賦旁及繪事皆精自成家家有故遺硯
恒極矜貴曰先人手澤所存又與余從事久不敢
褻也教其子棠身率之讀書脩士行指硯示之曰
保此足不負爾翁矣因識其齋曰保硯其事其稱
名尤旨且長也張子曰續辭之學必於硯受成不

管百工之器。農夫之耒耜。未之或離。昔陳留范馨。奇其孫喬。授以已所用硯。名人貽謀。大率如此。雖然。有進焉。其告棠曰。君子之爲學也。立言其一。然先行後言。則言之視行有間。且言之類。幾三品。其上謨訓。次纂述。最下僞辯等而下。又有間。故比其上。其次硯。則有慶。苟僞而辯。硯不任責焉。拙工罪器。惰農罪耒耜。則人舉笑之矣。棠不聞金匱之硯銘乎。其辭曰。石墨相着而黑。邪心讒言。無得汗白。夫石墨相着。用以成文。文成而白。迺章。今日汗白。

匪勵弗章。且敗厥素。賁之上六。白賁無咎。傳者謂不使華得沒實。卽其義也。孟子知言。蓋曰。生心害事。明乎此。進於道矣。攷道以爲無失。無失而後得。其所保。戈子孫繩繩。其勛諸。作保硯齋銘。銘曰。於維質良。文迺在茲。匪爵而貴。匪田而菑。厥考攸承。子孫是宜。重輕靡嘗。繫乎用之。爰銘爾室。堂構如斯。

其辨辨微而自矜其微也

其善善也而不自矜其善也

其下下也而不自矜其下也

其又又也而不自矜其又也

其古古也而不自矜其古也

其山山也而不自矜其山也

思喬吳翁像贊

吳翁故孤少。徒手立家業。孜孜善事修。士行遠近推。長者嗣教子。義方一規一矩。有嘗操采狀大端。具別簡。既源長成進士。為郎倉部。自潞庾司邊餉。職艱且瘁。外解遙不應。九邊兵數百萬。洗釜待晨視事。邊將吏數百人。雜訴時噪呼。前所司連詔獄。源長好語邊將吏。我安能無米炊。若第傾外解。我無稽者。則先辨緩急。三等解到。丞列榜。三等次多寡。胥史莫高下。故時大帥托問。餽行金源長。絕不

入久之盡知吳部郎廉直迄終事亡間越二年晉
閩臬備兵泉南適山賊起源長率兵搜討擒數千
人錄其渠及殺人多者正刑典餘盡安置泣拜解
散去方源長爲郎時靡長安珠桂有費遣使催餉
絡繹有費備兵時芻糗犒勞有費旣守清白訓又
不敢名縣官帑于是爲郎破其家三千金備兵破
不下千金翁所遺大減半厥考銖兩積厥子用充
官下費將傷厥考心然翁遺積與遺訓孰嚴往者
舊館師強源長解人訟一屬邑令翁知呼源長立

責殊苦茲守訓官下卽盡耗宜無忤故人稱源長
廉吏源長以歸翁則源長爲孝子翁爲慈父然教
其子得爲廉吏則翁故孝子從來慈無顯稱統以
命孝葉子引孝經告源長曰始于事親中于事君
終于立身余謂翁始于善人中于慈父終于孝子
展像備狀所不備系以贊贊之辭曰
孝哉吳翁終始一德夙夜蹶蹶惟天陰騭佩厥懿
嘉高卑山澤展厥形容冰玉清立使治天下爲萬
方則肅穆拜茲道風奕奕

者更也。合之有徒義之義焉。抑亦可謂士君子矣。則字婁曰爾庚。二子釋諸臨其無貳爾心。陟降茲將聲聞于天。婁其徒義。義者天下之制。義分明斯役物不役于物。且名也者。賓實亦敗實敬爾賓。則疾無稱懼長爾敗。則耻過情。嗣茲母任應以詔以相庶幾表德哉。

余既命二子名字。呼以申釋其師。柴子集勳請作說。且引肴山故事。予謂肴山以說傳。抑以二子傳。今人襲古多膚似。正如醜婦人效西子。生

絕不炤顏面。余奈何。蹈是柴子曰。卽無問故事。第茲意嚴重。振厥詞。用訓厥後。曷遜諸。余謝曰。諾。作二子名字說。紀此者。懼嘲先解也。

遊客說

遊客不審所由稱前此絕不聞余臨上歸稍見告
狀亦孝廉上公車及罷道經故人部問候館故人
則尋交際既名下士輒擔簦遠走干有司既不必
名下士板鐫詩若文一二冊卽負名下持要人牘
遠走干有司有司異游閑聲且俱騰謗事惟謹或
先通大府挾大府臨守令事益謹間遭夷鄙伉者
謾罵蕙者強顏受必厭所欲去吳故孔道縉紳及
廢吏下至方技絡繹卽次則居間訟獄若有司承

奉判牒送某呼持牒史語富人具若干金否則下
牢。徃夫千金之家豈有千金不過田廬器物俄責
若干金必黜田拆廬變易器物應急不得三之一
將立破噫士農工商先王別爲四民故士循禮義
安鄉里守已謹分農修樹藝篤稼嗇先時備潦燠
百工竭智力日夜務所務商則調泄貴賤衡量子
母歷寒暑逐道路各有恒業統曰恒產斯有恒心
而天下治今旣儒衣冠與有司廷讓則士矣乃襲
商術且商篋高貲大者千萬次不下什伯彼儒衣

冠者皮面爾狀不聞賈劫民財旅奪官政則擬商
當不受雖狀于客乎何尤實維主者主者任天
子郡邑寄子惠下民所御惟法故法一則民安苟
無犯而加贖刑則是以法斂財苟麗辟而倖免則
是以生歿權利以法斂財則富者莫保以生死權
利則貧者莫服而富者有恃以逞若是則天下惡
得不亂安乎其亂猶客是狗狗客則境內有力者
皆得持其上于是廷如市有司如僧客及境內有
力如販問所鬻則惟下民間所高下則惟天子

法一日寇至。令曰：執干戈以衛，得乎？有人曰：是楊朱行將獲，而恩離而情奈何？曰：余求友聲，切胞與。詎不通往來，但惠必歸德。如郭元震遇書生范純仁，遇石曼卿，傾橐捐麥舟，則振乏仁也。通財義也。仁與義寧，斬諸倘取官中物，卽不度，况鬻下民高下。天子法以克報，贈此無他，廉耻不明，故士行不立。士行不立，故客輕去其鄉，而主者輕用其法。使廉耻明，則人不倍本行，不求外勢，不昧公道，以結私惠，則四民有嘗，卽盜賊何自起。斯治亂攸繫。

可無辨。或謂遊客者，文之爾。通稱爲秋風。言所至凋落，或爲抽豐。言分乃羨溢也。吳舊守陳公默，菴有謝客榜，辭云：我豐任爾抽，今豐安在。毋落客事。一時播笑，回車去。是知源清流濁，流濁大致弗爽。然則學士大夫禁足一室，音問不越郊圻，絕物奈何。曰：孔子亦云：朋自遠來，卽文章推史遷，未嘗不歷九州，閱險易，第義利斷斷則不家食吉矣。

時事說

大江以北無寧土。南鑿諸應有戒心。乃復泄泄相隨。糜爛矣。因究賊所由起。與今可啻存者。曰天下本無賊。愚民迫走險。緩刻歿。悍民乘之。奸民脅之。遂燎原則。問何以迫。曰有三驅。一為鄉縉紳。左右牙且角。日媿人膏。苟村立數區。屋旁宅田數畝。率妻子勤動。可小康。一朝被獵。且咄嗟破。諺云翁猶可兒。怕歿主。猶可奴。怕歿他。如鬻訟獄。屬繇役。舉一利則沮。去一害則庇。彼日夜營。乃私勢必與公。

利害敵。由是接屢無隣情。交游故人無友道。一惟財。財傷則民害。民害極則避。是一驅也。一為守令。剖符來。不為牧。為賈胥史。故虎狼官。乃押出押且。殺人。官貪。反借虎狼恣意。是生翼益。殺人。司農急。稅。卽難緩。復因為利。天子璽書。捐租。征入橐。尤銳。下民冤。抑天高。則問有司。狗勢家。反囊三木。富民無罪。責行金。代儀物。餽贈甚者。招徠暮夜。山童川竭。無厭。是一驅也。一為富家巨室。農佃人田。長夏。駮手足。火。搗糞不足。則向富家巨室。貸及秋收。

數。重粟。汔完租。妻孥。緼袍。猶質庫。責債急。息加三之一。傾盎中。儲無粒。剩租及債。并黜子。繼黜女。繼黜婦。含辛。莫誰何。是一驅也。三驅迫民。斯鳥獸散。散不聊生。斯聚而作賊。賊橫守令。旣積仇。瞠不知計。鄉縉紳。及富家巨室。潛求湖塹山曲。擬兔窟。遁風聲。稍緩。復厭厭如常。日問保障。則曰賊來不獨我。且未必來。慳牢不可破。賊卒至。至父母兄弟妻子。不相及。沸沸稠溷。任屠伯淫戮。顧所求。兔窟塹曲。間無賴。未賊來。先劫奪去。嗟夫。田儋項梁之徒。殺

秦吏如草。正德間。趙風子剽掠。戒母入馬公文升
邑。破泌陽。取焦芳衣冠。斬寸斷。豈必盡罪下哉。今
省三驅者曰。富貴易爲德。念父老同井。閉卽亡子
惠。幸母暴作之。父母天鑒。茲幸母虐下民。則翼乃
仁。母曰。未能獨清醒。責若草木。母曰。非本難拔。身
正自物。正則翼乃義。仁與義弗傲。再省曰。天子
授千里百里寄。不能撫變起。易衣帽逐難民。蛇伏
尚何面向天地。則不忠生斯長斯。國族聚斯。祖宗
墳墓藏斯。且爲民望。不知備變起。委去尋草間活。

致不保父母兄弟妻子。則不孝。忠與孝猶弗傲。再
省曰。衆心成城。人心歸則一人。心一則多力。平時
守令。母虐下民。鄉縉紳以下。母暴則千里有千里
之勢。百里有百里之勢。武王三千人。惟一心。何有
乎億萬。如妄謂逃可脫。則平時虐且暴。當無忌前
後。郡邑崩解。猶括金行輦上。歛怨毒肥家。及變左
足動。右隨陷。卽微怨毒。人各倖脫。所謂億萬心勢
必不免。逃而免。守令猶歿。司敗鄉縉紳以下。猶破
厥家。辱妻女。况乎必不免。舍生路不由。乃冒惡名。

由死路則直呼曰不智。吾吳清議嚴守令上下有天幸輒多賢者。鄉縉紳自好亡肆譏如所云。但氣少遜未決事理。相聚問桃源處。今爲決理則平時異仁與義。否則誰與守。臨難母不忠不孝。否則生不如死。決事則辨生死斷斷。夫智者明理故鑒事。事理合庶其交儆。不此之儆縱急兵恐未見敵跳急修鑿恐風鶴無居人。亟申智使仁義豫忠孝。明可恃無恐。若乃枝辭曰倚諸弁殺賊要人視賄薦。是以殺賊孽斷有家十捐一可護九。與其全喪狗。

厥身曷若捐一。此又鄉縉紳謂無害事。富家巨室彼此委釀不測禍者。誠戒心江以北則知狂瞽憂深且思苦矣。

若上游崩解處。曾一戰而敗則我宜練精兵以勝。曾嬰城一二日而破則我宜修城浚池以待。今聞賊未二百里游手亡命爭裹糧候。未百里空邑無居人則兵卽精誰與戰。城池卽高深誰與守。况練未必精。修浚未必高深。徒靡縣官帑。循故事又况并故事不循。厭厭如當日惟恃一。

走與逃。死。者。書。生。感。事。懼。禍。及。直。次。所。見。非。縱。
橫。家。不。類。九。天。九。淵。第。兩。言。做。曰。平。時。毋。促。死。
臨。難。毋。倖。生。士。大。夫。誠。交。厲。則。天。下。自。定。豈。但。
免。離。亂。哉。

經權說

公羊傳曰。權者反乎經。然後有善者也。惑之者遂。
以權為反。嘗殆不知權。且不知經者歟。夫經者。嘗。
也。嘗道之謂中。權者時也。君子時中。斯可與權。故。
曰。執中無權。猶執一也。反者。叛也。逆也。譬之。父。坐。
子。立。曰。經。子。病。不。責。之。起。則。曰。權。將。呼。病。子。之。不。
磬。折。垂。佩。也。而。為。叛。為。逆。乎。不。然。矣。孟。子。曰。權。然。
後。知。輕。重。註。權。為。稱。錘。則。經。其。衡。矣。權。以。運。衡。而。
後。有。輕。重。離。衡。則。權。一。塊。物。且。衡。失。其。權。則。何。所。

用衡而衡亦一塊物。故權以運衡。或銖或兩。推之至什伯而上。無定平。不得執銖兩而謂什伯反乎衡。執什伯而謂銖兩反乎衡也。是市販之爭平則舛矣。今夫織組之事。其縱者亦曰經。橫則曰緯。經一成不可變。視以加緯。然後布帛羅統綺縠之屬。咸受材。苟一緯之不合。則有間矣。未聞反乎經以爲緯也。彼謂權反乎經。是離衡之權。離經之緯。不可以準。不可以樞機。爲輕重衣被於天下者也。此說立而叛逆藉口。亂賊將接踵。故曰權也者。通乎

經而非反乎經者也。

慈孝說

慈孝性也。一本乎天。有謂孝衰于妻子者。竊惑焉。夫妻自兩姓。猶云判合。子則我所生。猶父母于我。宜無間。迺孝因而衰。則是慈以傷孝也。慈足以傷孝。而何以一本。弗省爾。愛厥子。念親愛我。如是不忍。厥子念親。不忍諸我。如是有不愛其親。忍其親者。寡矣。迺不愛其親。未有自居不愛者。誠念厥子。他時之不我愛。忍其親。未有自居忍者。誠念厥子。他時之我忍。有不愛其親。忍其親者。寡矣。然而愛

其親不忍其親者不視厥子始然不愛其親厥子
之不我愛忍其親厥子之我忍亦不俟他時始然
天也而幾乎心聖人懼人厚于慈而薄于孝故曰
父母惟其疾之憂曰所求乎子以事父未能其義
皆慈也乃深隱其辭推而著之乎孝言孝不言慈
而慈孝同貫矣

婁江說

五年前余輯太倉州志見劉家港口伏沙隱起憂
婁江下流將漸淤曰淤則害不專婁與大聲呼有
應者既癸未春州志行人固弗應卽余亦謂東流
猶作漾害當歲計乃越旬月蹇裳涉隨告塞矣於
是復陳芻蕘或鄉大夫鄉老上下有所取採其說
曰水利有繫天下者有繫一方者有繫一郡一邑
一鄉一隅者人之稱婁江其明事理者必曰是太
湖尾閘東南七郡繫焉則所見一方余謂國家

歲漕百十萬。蘇當三之一。合七郡當半。則東南繫天下。正如會通河在北方。以資漕。設少司空行濟。上婁江塞。大雨十日不止。東南氓庶其魚于何有。漕少。司空行濟。上何事故。余大聲呼曰。婁江者。天下之水也。請先言水道。太湖在蘇。嘗宣湖間。東通淞江。南通雲溪。西通蕪溪。北通滬湖。東通韭溪。凡五道。故曰五湖。湖水自東南分流。出白蜆。入急水。澱山。繇小漕。大澱。以入海者。曰東江。自龐山。過大姚。經崑山。石浦。安亭。繇青浦。達滬瀆。東瀉入海者。

曰吳淞江。自東北分流。從郡城婁門而東。歷崑山。入州境。環城南。東北直下。今俗訛劉家河者。曰婁江。故書曰三江。旣入震澤。底定。曩二江塞。獨婁江任全湖東注。今並塞。則必歲歲雨暘。時若始得立廬舍。安耕種。不然中災告愆。旱赤地。澇卽懸釜炊矣。此爲水道。因請言水性。凡地西北高。東南下。故水必東流。其自西北來者。湖溪。渚。瀆。合流入海。其味淡。其體清。其用肥。五穀澤。草萊其力。始緩而末銳。若大海潮汐。一日二汛。潮生自東。其味鹹。其體

挾渾沙其用敗稼傷諸萌其力來銳而去緩諺云
海水一潮留泥一筭如上流湖水急下則滌蕩渾
沙排黓鹹鹵故海中有交界嘴為湖海水分流處
界以北水鹹不可口今年夏吾吳憂旱崇明受雨
獨豐田中禾喬好及秋且秀一朝鹹水滄入敗無
餘崇明人怪為天變不知婁江塞湖水不敵故鹹
潮踰制崇明將無稔歲此為水性今合水道水性
言水害旱則太倉嘉定崑山受鹹水敗禾則崇明
全受太倉嘉定緣海間受霖雨汎濫則東南七郡

同受此為水害然則奈何將議浚則計所淤處自
劉河口至張涇關約八十里里當一百八十丈積
里丈當一萬四千四百有奇以開方法度深濶丈
當費三十金積丈金當四十三萬有奇此曷辦或
謂嘉靖初尚書李公浚白茅塘用大興法辟召官
屬屈縣官帑東南郡邑畢應萬曆初巡撫海公浚
吳淞江亦遍役郡邑無難者得臺司請命故事可
倣舉不知軍國孔亟縣官帑必不得索我枯魚肆
非筭或有謂暫開東壩邀銀渚以西水母入蕪湖

則乘西北上源勢溢湖東下以蕩留沙或有謂崑山千墩東暫築一壩抑水入松路使急注婁江以蕩留沙不知東壩祖宗朝有禁其言絕不經千墩東築壩則遏松上游能保松亡阻盡非筭醫家急治標今爲治標說者二其一曰天妃宮之東築二堰堰距里許東距渾潮使沙不得入西蓄湖水使游波停貯必俟湖水平潮始啓閉通舟楫苟湖水低尺寸勿啓湖水卽平潮未生勿啓吐納有時則不獲海利且避海害不獲海利且就湖利桃花

水盛上流必羨溢乃使淘河數百人舟二三十艘用鐵帚鈇鉞及木鵝諸器因勢疾掃分八十里爲四程先自下流始將海口伏沙及二十里積沙一導使流再使出三使深然後漸進而西淘夫則取劉河太倉陸營兵實可得千三百人按時給餼立夫長授班期兩營兵得餼視今空腹差操必躍赴卽不別設費其一曰城東南補缺口者繇決受名也江故道東瀉嘉靖間半涇口水決而南復折而北回遠可三十里決處東西距不及二里凡水不

曲患易盡甚曲又患難洩。今如穿故道開東西所
距二里則挽三十里回遠作二里瀉其奔翔而東
必激射如二說并行雖非經通然固救敗術且權
費不過三四千金卽不檄隣封不屈縣官帑或計
畝或當事營措可隨辦如築道旁舍日月再延岌
乎將無安坐豈必賊能殺人哉

事有猥屑而積漸巨害者小民捕魚蟹絕流編
籬俗呼曰籬海潮來勢銳衝籬入及落勢弱爲
籬梗水去沙留且水遇籬則去勢益弱

處皆留沙數年來余大呼不應今害見矣茲且
百不問亟除魚蟹籬不過當塗片紙檄猶存一
線可綿餘水若勢家昧生死復爲魚人援則許
佃農戶徑毀無罪殆治標尤要哉

軍儲說

軍儲者何儲粟給軍者也。言歛藏以待。豫積爲備也。故我州有軍儲倉。倉有官。有斗級。今軍儲雖散。而長春橋南倉基可攷。官與斗級仍設不廢。于此見事理不可革。亦一據也。昔人計之詳矣。太倉東有劉家河。海潮從入。達于婁江。元末朱清張瑄之徒。建海運。集半天下粟于今之南關。時稱六國馬頭。于是太倉爲重地。繫江南七郡。鐵鑰。國初立太倉衛。多設官軍防守。不足則增鎮海衛。然太倉

地介崑山常熟嘉定間軍則仰給三縣告饑既不時得民之介處者復入粟三縣遠輸勞止弘治初巡撫都御史朱公瑄巡按御史劉公廷瓚用鄉先正參政陸公容議奏割三縣鄙地爲州八年始得請參政議云民免起運軍無缺食且于重地有備最爲便益然則州之從立大約斟酌糧糈故不憚更始迺旣名州以後積輕之勢在軍民則免于遠輸而軍或告饑漸不時得亦取荒區舊逋責令對給嘉靖甲寅復分兩衛官軍屯劉河吳淞寶

山崇明四所則衛益疲于是生心至隆慶初元請以兩衛軍儲三萬餘石分徵各縣時安平日久未審後患遂輕允衛議請允衛軍初亦樂之不數年復大悔所以悔者各縣亦漸不時得亦漸取荒區舊逋責令對給則是衛軍反多道路供費迨後至有終年守候不得毫末者千百戶因緣爲奸連結胥吏重支濶支莫可究詰而州土本三縣旁鄙所種木棉十之八稻禾十之二每歲解南北糧十三萬餘石外至三四月間卽稔歲必告糶隣邑以充

養殮自軍儲散徵以來民則有言曩者州土半割于嘉定今嘉定以不宜稻禾永得輸銀折漕州卽不獲比嘉定奈何奪我存留之故額爲軍則有言曩者仰食三縣最遠不過八十里近乃在四十里今郡邑則百里吳江且百四十里往返經旬誰實厲階奈此勞瘁何難者曰卽如民言歸粟三萬餘石于州其不能如別邑之凌碎稽遲明甚不能凌碎稽遲則供漕與供軍奚辨應之曰軍與民錯處此壤軍得粟三萬餘石則似木棉之地加生此粟

不若供漕之往而不返也是不待智者可曉難者曰卽如軍言粟旣歸州或一兩年可以有濟後此之凌碎稽遲必漸如別邑移此以與彼何殊應之曰粟得歸州則軍儲倉卽茂草長春橋西新倉可積每歲將漕糧軍儲計畝均編課兌之日責其齊納漕糧則納便民倉軍儲則納新倉幸倉官斗級未廢可無更置旣納之後嚴冊籍禁冒濫備兵使者按月季嚴任使民無減賦軍無倖食如是則公私有濟難者曰卽如子言州之所利亦各邑所利

彼舉圖其利。相戒凌碎稽遲。願于納漕時。輸粟至倉。則何以辨。應之曰。我所謂利。與所謂害。先其甚者。今海事蠕蠕動矣。倘有萬一。此荷戈者。將待炊于四十里。八十里。及百里。與百四十里之外乎。待炊于遠外。則州危。州危。則江南七郡危。明者見未形。見形而計。則已晚。各邑士大夫。當不遺大而恤小。棄本而謀末。况乎今之在各邑者。亦徒為奸胥猾吏。資民亦何惠。故曰。軍儲之散徵者。必當仿專之太倉者也。

此余兩人禍所由厥後。遂為兵名曰紊亂漕規。一再彈至辱。嚴旨稽核。先是御史祁公按吳。有九詢。歷問民間所疾苦。時歲癸酉。風蟲災。婁所種木綿無遺。他邑宜稻。無歉徵。當事心知婁困難。獨以荒告。婁士民及衛軍。因有軍儲之請。事下司理周司理者。余故人。天如同籍。交無間。語天如。軍儲卒不得要領。其詳本末。來適余方輯州志。頗晰猥細。遂作軍儲說。天如題其後。錄一通致司理。兩書生自謂吾事畢。不復介心。故

嗣有縉紳公函衛官公移悉謝不敏聽邑人自為之矣。越三月州侯劉公署崑篆。兌軍肆橫制挺撻崑民。幾及侯。幸崑民奔救免。司理別有憾于侯。密揭侯持兌不平。致軍譁。漕使者引揭辭上章。侯鑄職罷去。兩邑民號呼各臺。瀕行擁車不得前。人以罷去為榮。司理初以揭密可無人知。章引揭辭無以解。多口方忽忽不自得。而吾邑公函中人于兩人復別有憾。則往挑司理曰。兩人者日夜怨汝。詈汝。于是司理變怒。顯稱兵。

矣。究此事專言婁與崑漕絕不貫。亦徒有說未嘗見行事。且兵名悞漕。而是年漕艘太倉先抵通故。嚴旨下當事稽核。當事按罪無據。兩人得寬釋。然已曲折數年。事解天如沒矣。患難中兩人相戒。固舊交。母惡聲。固部下。母犯訕。上默不反一語。但世不知。所謂軍儲說云何。因集成從故紙簡得。并附小跋。天如書軍儲說後。自載七錄齋集。

醫說

江以南土氣卑濕。生其間者。七情傳染。與飲食所蒸。則為腸澼。十人而七。喬氏遂以瘍科專其醫。父子兩世共五六十年。全活人不勝數。當其父心字。得是術。事頗怪。殆似神授。其術施藥。患處藥性。主消腐。不旬日而脫。既復施藥。卽性和良。旬日肌理完澤矣。時醫初亦消腐。但奇痛切切。不可忍。喬氏獨否。是以名家。凡腸澼甚。則穿孔而出。其名曰漏。有孔多至二三十者。喬氏取一為主。主治則支自。

愈心。字擅是術。餘四十年。歿語所親。技乃止。此兒
子在固。無恐。或恐。卽熟鷄熱酒。高呼心字。當有應
者。其自負如此。子卽宗甫。行其父術。垂十餘年。名
漸顯。余自辛酉。得腸澼。年餘平減。辛未。老母棄。藐
孤。越在墓廬。迺復劇。一孔出陰底。時醫指爲懸癰。
壬申冬。復旁穿一孔。時醫指爲囊癰。精氣日下。陷
癸酉。且大敗。友人以宗甫請。余恐如時醫。奇痛謝
姑緩。乃宗甫出一卷。示余。昔高忠憲先生得是患。
遇心字而釋。作說以贈。贈辭以身喻治國。以所患

喻小人。以喬氏之緩。奏藥效。喻君子之去小人。余
讀贈辭。曰。不止養生。得謀國矣。宗甫醫余一月。而
愈。愈則復潰。所以潰者。爲不得所主。失所主。勢且
再蔓。宗甫因專攻時醫。所謂囊癰者。旣效。而所謂
懸癰自愈。因思高先生立言。去小人不於本。禍難
過矣。宗甫醫余共百日。臨別。索說如忠憲。夫疾醫
瘍。醫周禮屬天官。以中士下士分內外。余竊忠憲
旨。爲喻。則疾醫猶文事。瘍醫猶武事。病且外見。而
復內治。是同賦詩禦寇。何以有濟。余申說以告同

病者曰有喬氏保無恐也。


昔考亭朱先生患足疾。有方士醫之立愈。先生喜作一詩贈月餘。患發劇于前。先生亟尋方士索詩已遠去不可得。先生殊懊惋曰。我非吝此詩。恐因是悞他人爾。喬宗甫醫余未及五年。復劇發臥床榻者幾三載。得江西廣昌黃岐彬而愈。宗甫在近地。所贈說可索得。但挾我手書卷十餘年。卽索已多。傳視因行其說。使人知余文不足據。且所謂切切奇痛者。喬氏未嘗減。而余

以病暫愈。代爲諱。自欺欺人。一大罪過。并以志悔。

成身堂集

三

月。掛
外。高。精。白。神。人。一。大。聖。長。壽。寺。



書